

疆邛叢書





淵泉詩餘目錄

臨江仙

滿江紅

柳梢青

醉蓬萊

水調歌頭

賀新郎  
二

清平樂

水龍吟

清平樂

蹋莎行

清平樂

柳梢青

菩薩蠻

一翦梅

海月謠

好事近

菩薩蠻

西江月

浣溪沙  
二

西江月

朝中措

水調歌頭

西江月

卜算子

浣溪沙

菩薩蠻

浣溪沙

戀繡衾

浣溪沙

步蟾宮

水調歌頭

鷓鴣天

水調歌頭

減字木蘭花

生查子

西江月

朝中措

小重山

臨江仙

朝中措

月宮春

浣溪沙

鷓鴣天

一叢花

眼兒媚

青玉案

浣溪沙

朝中措

明月棹孤舟

江城子

冉冉雲

謁金門

滿庭芳

浣溪沙四

江城子

浣溪沙

鷓鴣天

風入松

菩薩蠻

謁金門二

卜算子

醉蓬萊

朝中措

太常引

朝中措

戀繡衾

一翦梅

蝶戀花

生查子

探春令

臨江仙

眼兒媚

臨江仙

蝶戀花

柳梢青

滿庭芳

菩薩蠻

賀新郎

百字令

菩薩蠻

小重山

感皇恩

瑞鷓鴣

浣溪沙

鷓鴣天

滿江紅

好事近

菩薩蠻

浣溪沙

謁金門

祝英臺近

浣溪沙

洞仙歌

點絳脣

減字木蘭花

采桑子二

好事近

減字木蘭花

鷓鴣天

好事近

太常引

西江月

謁金門

纔池游慢

鷓鴣天

憶秦娥

朝中措

醉落魄

朝中措

阮郎歸

浣溪沙

二

浣溪沙

減字木蘭花

百字令

賀新郎

菩薩蠻

謁金門

朝中措

謁金門

西江月

好事近

醉桃源

醉桃源

菩薩蠻

一翦梅

點絳脣

祝英臺近

虞美人

卜算子

浣溪沙



菩薩蠻

好事近 三

朝中措

水調歌頭

鷓鴣天

菩薩蠻 二

朝中措

點絳脣

菩薩蠻

鷓鴣天

浣溪沙 三

謁金門

臨江仙

謁金門

霜天曉角

臨江仙

鷓鴣天

鵲橋仙

浣溪沙 三

鵲橋仙

生查子

一翦梅

眼兒媚

水調歌頭

鷓鴣天

桃源憶故人

浣溪沙

菩薩蠻

浣溪沙

虞美人 二

朝中措

浣溪沙

朝中措

浣溪沙 三

水調歌頭

菩薩蠻

浣溪沙

菩薩蠻

少年游

蝶戀花 二

點絳脣

浣溪沙 二

攤破浣溪沙

澗泉詩餘

潁川 韓 澆 仲止

臨江仙爲顧致堯生日

難老一杯春酒美主人玉鑑清秋九華山下共追游朝  
來多爽氣都向筆端收 臺閣功名歸去好便應袞袞  
公侯未妨含笑看吳鉤當年佳夢日和氣瑞光浮

滿江紅和趙公明

五老峰前九江上曾生仙客相邂逅貴池亭下定交金  
石我輩風流宜嘯詠官曹塵冗從煎逼且簿書叢裏舉  
清觴偷閒日 同一笑當今夕梅正好香浮白便相忘  
爾汝醉巾沾濕已向瓊樓誇意態似聞金殿傳消息想

君今歸去際風雲應相憶

柳梢青

雲淡秋空一江流水煙雨濛濛岸轉溪回野平山遠幾  
點征鴻行人獨倚孤篷筭此景如圖畫中莫問功名  
且尋詩酒一棹西風

醉蓬萊壽潘漕

問西湖好處樓上薰風有誰稱壽十里荷香對槐陰清  
畫細浪揉藍遠山凝黛更管絃初奏醉舞僂僂歡聲沸  
沸生申時候膝下婆娑老萊兒戲帝所輝光使衣呈  
繡眷倚方隆賜金章華綬自此飛騰鳳閣鸞臺好滿斟  
醇酎道骨仙風朱顏青鬢年年依舊

水調歌頭 晁子應三十八丈見過因口張德廣對木犀

小飲次德廣韻

明月到花影把酒對香紅此情飄灑但覺清景滿簾櫳  
人被好花相惱花亦知人幽韻佳處本同風揮手謝塵  
網舉袂步蟾宮秋已半幽澗側亂山中故人過我終  
夕乘興可干鍾賴有曲江才子坐上平章花月不管老  
英雄心事將何寄醉語又怱怱

賀新郎 坐上有舉昔人賀新郎一詞極壯酒半用其韻  
萬事伴休去漫棲遲靈山起霧玉溪流渚擊楫淒涼干  
古意悵快衣冠南渡淚暗灑神州沈處多少胸中經濟  
略氣□□鬱鬱愁金鼓空自笑聽雞舞天關九虎尋

無路歎都把生民膏血尙交胡虜吳蜀江山元自好形  
勢何能盡語但目盡東南風土赤壁樓船應似舊問子  
瑜公瑾今安否割捨了對君舉

又

病起情懷惡小簾櫳楊花墜絮木陰成幄試問春光今  
幾許都把年華忘卻更多少從前盟約擬待鶯邊尋好  
語恍殘紅零亂風回薄思往事信如昨 清明寒食須  
行樂算人生何時富貴自徒蕭索試著春衫從酒伴亂  
插繁英嫩萼信莫被功名擔閣隨分溪山供笑傲這一  
身閒處誰能縛琴劍外儘杯酌

清平樂七月十三日潘令生朝

鳴琴單父鳧鳥宜飛去不比河陽花滿樹此意直高千古  
清秋誕日相逢乃同澗上村儂笑指壺山爲壽仁  
心靜處加功

水龍吟七月二十六日信守生朝

王道夫

從來江左夷吾大名迴諸出公右金堂玉室瑤林瓊樹  
龍麟蟠走志在神皋氣雄雲夢十吞八九問三槐盛事  
當年初度人應羨青氈舊說與文章太守慶千秋好  
爲親壽冰桃雪藕霞裾月佩鶯鷺歌奏雨熟西疇星躔  
南極寶香凝晝趁新涼便約乘雲繞日飲天漿酒

清平樂次韻

蕭然在澗景色秋來冠幾縷明霞紅未斷矯首時時遐

觀 回思五馬清游分明前輩風流留作山閒佳話更  
誰愁上眉頭

蹋莎行 七夕詞

雨意生涼雲容催暮畫樓人倚闌干處柳邊新月已微  
明銀潢隱隱疏星渡 今古佳期漫傳牛女一杯試與  
尋新句幽懷冷眼是青山舊歡往恨渾無據

清平樂 壽潘文叔

常思高致又見涼風起歡喜年時爲壽意快寫山歌重  
寄 願公好德康寧青雲收取功名莫道而今官小吾  
儒正要仁民

柳梢青



雨洗元宵樓臺煙鎖隱隱笙簫且插梅花自燒銀燭沈  
水香飄軟紅塵裏星橋想霽色皇都絳霄屏掩瀟湘  
醉和衣倒春夢迢迢

菩薩蠻同仲明飲山隱

雪雲收盡晴風軟小山春浪晴波遠梅片已飛香海棠  
紅試妝人言詩易與酒琰誰分付不是沒心情夕陽  
啼鳥聲

一翦梅送馮德英

說著相思夢亦愁芳草斜陽春滿秦樓樓前新綠水西  
流一曲陽關分付眉頭多少風流事已休粉薄香濃  
怕見綢繆淡雲籠月小庭幽明日山長清恨悠悠

海月謠送趙永興宰

晚秋煙渚更舟倚蕭蕭雨水痕清汜迤邐漸整雲帆西  
去三疊陽關留下別離情緒溪南一塢對風月誰爲  
主酒徒詩社自此冷落胸懷塵土目送鶴飛莫聽數聲  
柔艣

好事近紅梅

春色入芳梢點綴萬枝紅玉莫道怕愁貪睡倚新妝如  
東紛紛桃李太妖嬈相對夜闌燭記取疏花橫處有  
暗香飄馥

菩薩蠻野趣觀梅

平生常爲梅花醉數枝滴滴香沾袂雪後月華明膽瓶

無限清  
夜深燈影瘦  
飲盡杯中酒  
明日景尤新  
人閒  
都是春

西江月走筆因宋九韻示黃六

春色著人多少  
溪頭桃杏舒紅  
杖藜相與過橋東  
往事  
舊歡如夢  
花底醉眠芳草柳邊嘶  
入驕驄  
如今憔悴  
坐詩窮  
莫問醯雞舞甕

浣溪沙夜飲仲明小軒

一曲青山映小池  
林疏人靜月明時  
相逢杯酒也相宜  
醉眼不知春事少  
歡情猶得漏聲遲  
神仙何處夢魂

飛

又仲明命作豔曲

寶鴨香消酒未醒  
錦衾春暖夢初驚  
鬢雲撩亂玉釵橫  
半怯夜寒褰繡幌  
尙餘嬌困剔銀燈  
粉痕微褪臉霞

生

西江月次韻

風暖晨光寂寂  
月明夜氣沈沈  
山閒林下步輕  
陰花柳飛絲布錦  
酒病向誰能遣  
春愁惟我難禁  
尊前一曲斷腸聲  
夢破曉窗敲枕

朝中措次韻

池塘春草燕飛飛  
人醉牡丹時  
多少姚黃魏紫  
搦成膩粉燕支  
謫仙醉把平章看  
晴影度簾遲  
花外一聲鶗鴂  
鳩柳邊幾箇黃鸝

水調歌頭清明嚴瀨

今古釣臺下行客繫扁舟扁舟何似雲山千疊亦東游  
我欲停橈一醉與寫平生幽憤橫管更清謳小上客星  
閣短鬢獨搔頭風乍起煙未斂雨初收一年花事數  
聲鶗鴂欲春休弔古懷賢情味只有浮名如故誰復識  
羊裘賴得玄英隱相望此溪流

西江月四叔生朝

梅蕊小春天氣橘林良月風光五雲邊近九霞觴美景  
初無盡藏老矣相逢湖海年來游徧瀟湘詩情滿眼  
興何長贏得煙霄直上

卜算子生朝次坐客韻呈四叔

花底醉東風好景宜同壽海角天涯今幾春邂逅新豐  
酒內集記高陽南渡閒回首但願長年飽飯休一笑  
風塵表

浣溪沙夜飲潘舍人家有客攜家妓來歌

小雨收晴作社寒月橋花院篆香殘杏顚桃臉黛眉彎  
歌拂燕梁牽客恨醉臨鸞鏡怕人看良宵春夢繞屏

山

菩薩蠻

海棠欲謝縣飛柳柳絲自拂行人首上已是清明新煙  
帶粥餈輕陰簾幙冷閒卻秋千影曲水與無涯麗人  
花半遮

浣溪沙壽晁元默

湖海相逢更日邊  
槐風蓮雨壽杯前  
琴書圖畫水沈煙  
共指金鑿當傑直  
不應彭澤尙回旋  
今年初度想超

然

戀繡衾晁仲一將到滁陽新買妾

歡濃兩點笑靨兒  
雪初消梅欲放時  
不信道傷春瘦怕  
人猜猶待皺眉  
香濃翠被屏山曲  
把珊枕側過又移  
試與伴江頭去  
但醉翁亭上要詩

浣溪沙題美人畫卷

一曲霓裳舞未終  
玉釵垂額鬢雲鬆  
夢回金殿月華東  
燕子鶯兒情脈脈  
柳枝桃葉恨恁恁  
羅襟空惹御香

濃

步蟾宮釣臺詞

三年重到嚴灘路  
歎鬢鬢衣冠塵土倚孤篷  
閒自濯清風見一片飛鴻歸去  
人閒何用論今古  
漫贏得箇般情緒  
雨吹來雲亂處  
水東流但只有青山如故

水調歌頭次韻載叔

一枕暑風外  
事事且隨緣  
隨緣何處琴劍閒  
泊此層巔日繞九天樓  
殿煙抹四山林薄塵土市聲前  
老眼醉還醒猶得到詩邊  
橋南院雙桂隱有名言  
江湖人物好在收拾付書簾  
回首吾廬無恙寄臥僧窗  
何事鴻鵠本高騫  
水調賦明月誰道更超然



鷓鴣天蘭溪舟中

雨濕西風水面煙一巾華髮上溪船帆迎山色來還去  
艣破灘痕散復圓尋濁酒試吟篇避人鷗鷺更翩翩  
五更猶作錢塘夢睡覺方知過眼前

水調歌頭次宋倅韻

嘉節已吹帽誰復見南山南山佳處臺上雲繞一溪環  
猶記使君同醉化鶴千年何在今古自應慳勝事漫陳  
迹風物只高寒都莫問歸酒畔集毫端等閒吟笑而  
已賴有孔融尊偉矣廣平心致贏得相遭淡泊感舊唱  
酬閒且看小齋菊抵掌共凭闌

減字木蘭花次昌甫韻

年光虛度能得幾多消散處莫恨歸遲得見新詞不自  
持 山中酒裏笑語喧譁知有弟此意誰如世事紛紛  
一任渠

生查子 梅溪橋閣詞

霜葉柳塘風煙蕊梅溪渡茅店問村醪未許空歸去  
倚杖小徘徊寫我吟邊句醉眼復何之落日孤鴻處

西江月

聞道晚春時候暖風是處花飄游人爭渡水南橋多少  
池塘春草 躍馬誰聯玉勒釣魚應泛蘭橈韶光有限  
不道遙輪與溪鷗野鳥

朝中措 和吳子似

春濃人靜倦游嬉  
煙雨戰棠梨  
翠徑亂紅無數  
頻啼枝上黃鸝  
小園流水濺濺處  
綠徧謝家池  
怨月恨花滋  
味淚痕猶染羅衣

小重山

和吳子似

雲影收晴雨外明  
碧溪春豔豔  
落花平鶯聲催我過橋  
行人何在詩酒淡  
心情閒裏興還生  
錦鱗題尺素有誰能  
草邊芳徑柳邊城  
歸來也清夢繞山屏

臨江仙

閨怨

脆管繁絃無覓處  
小樓空掩遙山  
柳絲直下曲闌干  
海棠紅欲褪  
玉釧怯春衫  
殢酒不成芳信斷  
社寒新燕呢喃  
雕盤慵整  
寶香殘綺疏明  
薄暮簾外雨潺潺

朝中措平江施倅生朝

五湖煙水百花洲別乘最風流人道紫樞家世清時袞  
袞公侯名園綠水春無價蜀錦舞纏頭眉壽年年今  
日寶杯香靄飛浮

月宮春

和吳尉

柳嬌花妒燕鶯喧斷腸空眼穿一春風雨夜厭厭不聞  
鐘鼓傳香冷曲屏羅帳掩園林誰與上秋千憶得年  
時鳳枕日高猶醉眠

浣溪沙

芍藥酴醿滿院春門前楊柳媚晴曛重簾雙燕語沈沈  
花映綠嬌初日嫩葉棲紅小晚煙昏輕雷不覺送微

陰

鷓鴣天

煙禁荒荒雨濕雲近郊爭出滿城人兒童藉草幾成市  
杯酒沾花不覺村身又老眼增明回頭一任是紅塵  
山中誰信無寒食淵上如何且採蘋

一叢花

次韻斯遠

翻空雪浪送飛花春曉媚霜華風迴點點迷人處峭寒  
輕詩思殊佳雙燕未來斷鴻何在微雨又天涯綺窗  
明暗是誰家雕檻馥蘭芽畫檐簾幙黃昏後試傾杯笑  
語喧譁聚散人生吾儕老矣醉墨任橫斜

眼兒媚

東風拂檻露猶寒  
花重濕闌干  
淡雲帶日  
晨光微透簾  
幙香殘  
陰晴不定  
瑤堦潤  
新恨覺心闌  
憑高望斷綠

楊南陌無限關山

青玉案

蘇公隄上西湖路  
柳外躍青驄  
去多少  
韶華驚暗度  
南山游徧  
北山歸後  
總是題詩處  
如今老矣  
傷春暮  
澤畔行吟  
漫尋句  
落拓情懷  
空自許  
小園芳草  
短籬修竹  
點點飛花雨

浣溪沙和辛卿壁間韻

只恐山靈俗  
駕回海鷗飛  
下莫驚猜  
機心消盡  
重徘徊  
宿雨乍晴  
千澗落  
曉雲微  
露兩山排  
新苗時翼  
好風

來

朝中指戲贈鄭幹

扁舟撐月轉江湖  
煙水湛金鋪  
篷底曉涼歌罷肌膚冰  
雪初扶  
詩人自是風塵表  
佳處句能摹屬玉一雙飛  
去荷花香動菰蒲

明月棹孤舟  
逢子似清河坊市中  
客樓小飲

忽得相逢驚似舊  
問山中酒徒詩友閒  
倚晴樓長安市  
上華髮爲君搔首  
綠竹疏梅今在否  
對西湖夕陽煙  
岫鴻雁聲中人閒  
今古還是醉醒時候

江城子  
德久同醉子似出新置佐酒和德久詞

天孫應爲織雲裳  
試宮妝  
問劉郎湖上波寒依舊  
遠山

蒼自是老來心事嬾空落拓少年場  
揮豪閒與細端  
相記巖揚陋蘇張興到一杯微醉亦成章  
回首片帆西  
去也何日更共清狂

冉冉雲

倚徧闌干弄花雨卷珠簾草迷芳樹  
山崦裏幾許雲煙  
來去畫不就人家院宇  
社寒梁燕呢喃舞小桃紅海  
棠初吐誰信道午醉醒時情緒閒  
整春衫自語

謁金門

花影半晴色乍開雲卷擇勝尋春  
愁日短雨餘山路晚  
澗底桃深紅滿人意不禁閒  
遠胡蝶繞枝啼鳥怨東  
風吹酒面



滿庭芳 王寺簿生朝

點點淮山迢迢江水分明別是風光地靈人傑星斗爛  
文章初度充閤佳氣當年瑞應弄珪璋薰絃奏涼宵寶  
月玉井藕花香 清真如逸少蘭亭修竹曲水流觴想  
醉鄉日永地久天長小駐屏星懷玉飛鳧鳥元在鷓行  
功名事雲龍風虎行矣佩金章

浣溪沙

一曲西風醉木犀天香吹夢入瑤池釵橫猶記未開枝  
花重嫩舒紅笑臉葉稀輕拂翠顰眉酒醒殘月雁聲  
遲

又次韻昌甫

山氣吹雲寶月涼園英承露菊花黃吾生只合醉爲鄉  
悵望佳人因共賦分明佳節是重陽酒邊猶發少年

狂

又次韻昌甫

莫問星星鬢染霜一杯同看月昏黃放歌漁父濯滄浪  
卻憶手栽雙柳句眞成雲漢抉天章蘇仙何在立蒼

茫

又

霜後黃花尙自開老年情緒爲何哉株株渾是手親栽  
秋際有言揮玉麈冬來無夢繞金釵相思一夜發窗

梅

江城子

雪消霜入小溪舟。試浮游。上山頭。薄薄寒煙，依舊未全收。問道梅花開也未。吟不盡，一春愁。襟懷如此老還休。嬾凝眸。轉深幽。詩罷一眉新月，又如鉤。臘後春前村意遠。回棹穩，水西流。

浣溪沙

野色軒看玉色犀

月角珠庭映伏犀。扶搖當上鳳凰池。廣寒曾折最高枝。壯志還同諸葛膝。清名還似紫芝眉。梅花春壽酒行遲。

遲

鷓鴣天

次韻昌甫

老去情懷酒味中。水邊林下古人風。歲云暮矣江空晚。

誰識儋州禿鬢翁  
人易遠語難工  
春時猶記一尊同  
苦心未免皆如此  
祇合揮絃目送鴻

風入松

小樓春映遠山橫  
綠徧高城望中  
一片斜陽靜更萋萋  
芳草還生  
疏雨冷煙寒食  
落花飛絮清明  
數聲絃管  
忍重聽猶帶微醒  
問春何事春將老  
春不語春恨難平  
莫把風流時節都歸閒  
淡心情

菩薩蠻

小園紅入春無際  
新聲休寫花閒意  
一笑喚眞眞  
香顚酒未醒  
惜芳追勝事  
暢飲餘詩思  
無處說衷情  
暗塵羅帳生

謁金門 和昌甫

花肅肅楊柳三眠未足一棹溪山新漲綠舊歡無夢續  
莫問杜鵑啼蜀只有江南水竹北客淒涼無伴獨春  
山生草木

又

幽意熟吟嘯春風自足爽氣初生晴未燠相逢休問卜  
畫出高山盤谷巖上飛雲相逐他日江東思渭北斷  
絃誰爲續

卜算子 中秋前一日和昌甫所寄

一雨已秋深月色寒而靜夜半披衣草樹閒玉露團清  
影長笛倚樓聲聽徹還重省手啟柴門倦復關雲臥

衣裳冷

醉蓬萊

上太守

慶文章太守燕寢凝香誕彌佳節庾嶺歸來又經年梅  
發棋酒心情笙歌滋味便合朝天闕玉作山前冰爲水  
際幾多風月綠鬢朱顏浩然相對自是中原舊家人  
物鷓鷯班回尙記陪清切好把胸蟠萬卷談笑了濟時  
勲業錦幄初溫寶杯深勸舞迴香雪

朝中措

爲茲春酒壽詩翁我輩一尊同香動梅梢圓月年年先  
得東風冰溪清淺流環玉蓮幙漫從容但願人生長  
久揮絃目送飛鴻

太常引

小春時候臘前梅  
還知道爲誰開  
應繞百千回  
夜色轉參橫斗魁  
十分孤靜替伊愁  
絕片月共徘徊  
一陣暗香來  
便覺得詩情有涯

朝中措次韻昌甫見寄

誰翻新曲玉溪濱  
何日得爲鄰  
醉裏行歌相答  
步隨泉石松雲  
如今又是梅時候  
只有眼中人  
魂斷幽香孤影  
花前閒整衣巾

戀繡衾

溪風吹雨晚打窗  
把心情闌入醉鄉  
記取在山深處  
我如今雙鬢已蒼  
夜闌寒影燈花淡  
夢難成清漏更長

寶瑟斷鸞膠續淚珠彈猶帶粉香

一翦梅蠟前梅

一朶梅花百和香淺色春風別樣宮妝西湖衣鉢更難  
忘雪意江天渾斷人腸清夜橫斜竹影窗贏得相思  
魂夢悠揚玉溪山外水雲鄉茅舍疏籬不換金章

蝶戀花三十日歸途村店市酒成季子任同酌而歌

道上疏梅花一樹人去人來不管流年度閒過南籬同  
散步東風爲我吹香去試問青春今幾許明日新正  
溪影橫山暮遮莫攀翻君且住心兒卻在題詩處

又

盡道今年春較早梅與人情覺得梅偏好一樹南籬香



未老春風已自生芳草  
來自城中猶帶曉行到君家  
細雨吹池沼悵望沙坑須會到玉溪此意年時少

生查子

山意入春晴都是梅和柳  
白白與青青日映風前酒  
歸去也如何路上休回首  
各自做新年柳裊梅枝瘦  
探春令

暗塵明月小桃枝舊家時情味問而今風轉蛾兒底有  
誰把春衫試景龍燈火昇平世動長安歌吹這山城  
不道人能記甚村酒偏教醉

臨江仙

羅帳畫屏新夢悄綠窗慵起香殘重簾生怕倚闌干春

風吹玉水春雪滿靈山  
梁燕未來歸雁動海棠纔帶  
紅酣酒愁花恨霎時閒  
煙雲催薄暮絲雨濕輕寒

眼兒媚

社日

風回香雪到梨花  
山影是誰家  
小窗未晚重檐初霽  
玉倚蒹葭  
社寒不管人如此  
依舊在天涯  
碧雲暮合芳心撩亂  
醉眼橫斜

臨江仙

六月二日病差出門散適

竹樹陰陰流澗水  
黃鸝飛去飛還  
蓬門籬落小橋灣  
更無塵迹到  
我自愛其閒  
雨又隨風催薄暮  
輕雷時動雲斑  
歸來涼意一窗閒  
病餘真倦矣  
睡熟簟紋寬  
蝶戀花  
野趣軒看玉色木犀

斜日清霜山薄暮行到橋東林竹疑無路小院黃昏  
噴霧瞻屏曲几花如雨細酌心情因少駐九崖風  
寒影吹瓊素不是月宮那有許霓裳舞徹凌波步

柳梢青

玉水明沙峰回路轉城倚橋斜老我登臨同誰酩酊一  
望還賒飛鴻杳靄天涯但拚取心情酒家紫菊枝枝  
紅葉顆顆休問年華

滿庭芳

玉水靈山霜天清曉非煙非霧琴堂載臨初度圭璧記  
煌煌百里民安撫字歡呼處禾黍登場今年好爲茲春  
酒莫惜醉淋浪神仙口領袖山河勳業星斗文章便

黃扉青瑣會遇明良願賜尙方之劔攀檻折於古輝光  
飛鳧去甘棠遺愛留與話桐鄉

菩薩蠻

風前覓得梅花句香來自是相分付片月動黃昏一枝  
橫酒尊人閒何處有又到春時候莫負此詩家將心  
吟好花

賀新郎十三日小園梅枝微紅點綴便覺可句

梅蕊依稀矣歲華深翛然但把杖藜閒倚山繞荒林紅  
葉下落日孤城煙水意興寄云何則是底事疏枝橫絕  
峭未吹香便與花相似不忍折爲之喜寒鴉萬點霜  
風起正人家園收芋栗小槽初美欲醉阿誰同一飲擬

賦纔成又止老態度渾侵髮齒摸索孤根春在否任紅  
紅白白皆桃李空爛漫豈能爾

百字令

詔飛天上看金狻繫馬西湖風月朝罷香煙攜滿袖身  
在瓊樓玉闕錦繡肝腸珠璣欬唾綠鬢非華髮與誰經  
濟河山應笑吳越且把春酒尋梅年年眉壽坐對南  
枝發兵衛朱門森畫戟醉舞塵生羅襪山面高堂溪浮  
新艦留取邦人說等閒餘事一時如此奇絕

菩薩蠻趙昌甫折黃巖梅來且寄菩薩蠻次韻賦之

隴頭無驛奚爲朶巖前有折宜來墮風急雪雲溪詩清  
滿意攜竹鑪良夜飲飲竟煎僧茗梅以句深長得花

情未忘

小重山

點染煙濃柳色新  
小桃紅映水日初勻  
露收芳徑草鋪茵  
凝情久風淡起輕塵  
梁燕已爭春  
折花閒伴酒試濡  
脣流鶯何處語聲頻  
闌干曲蜂蝶更隨人

感皇恩 和吳推官

急管度青枝醉眠芳草雲斷巫陽夢  
能到乍醒餘困晴影暗移紗帽舊時閒意思都忘了  
今歲春遲去年春早  
點點繁紅又多少  
惜春歸去酒病翻成花惱  
數聲鳴鳥喚人驚老

又

詩社酒徒閒村村花柳月榭風亭更霞牖臨春結綺又是那回時候不禁中夜雨相儂懣弄蕊攀條爲尋芳酒一斗誰能問千首江南雲夢空說氣吞八九持杯人共我能吟否

瑞鷓鴣辛鎮江有長短句因韻偶成愧非禹步爾

南蘭陵郡鷓鴣詞底用登臨更賦詩貴不能淫非一日老當益壯未多時人閒天上風雲會眼底眉前歲月知只有海門橫北固宦情隨牒想推移

浣溪沙同昌甫飲南池

屋上青山列晚雲水邊紅袂映斜曛柳陰荷氣簾湘紋酒以歌長誰樂事詩成杯灑我離羣香消涼意有南

薰

又次韻昌甫

作意如何和好歌細翻重看得長哦曉梧吹雨露明荷  
老我從他琴下爨故人元自笛亭柯北山煙岫鬱嗟

峨

又

鴉矯荒寒燕復低門前長草與人齊長橋南畔小橋西

安得有詩同爾句可教無酒泛其杯相思常苦易離

攜

鷓鴣天

只唱離歌一疊休玉溪浮動木蘭舟如何又對雲煙晚



不道難禁草樹秋  
空脈脈忍悠悠  
綢繆終是轉綢繆  
相思相見知何處  
記取新歡說舊游

滿江紅  
陳玉局生朝

歸錦堂成雲漢上天垂新畫  
有朱顏綠鬢禁林仙客玉  
局暫從香火社金龜未報文章力  
看彤庭賜第別承恩  
居君側  
斑衣戲蟠桃摘翠袖倚歌檀拍正祥開初度  
頌聲千百又是臘前梅態度  
幾多春近花消息想明年

今日醉西湖  
光輝赫

好事近

一澗水南山臘盡春生梅雪行過小橋深處帶疏鐘橫  
月征衫閒著指東吳休怕與人別吟到翠圓枝上是

歸來時節

菩薩蠻胡教生朝

南枝已見春消息今年爲壽方知得  
俾爾熾而昌流霞浮暗香  
蓬壺清淺水笑指雲堦喜高論有規模  
平戎賦兩都

浣溪沙

風軟湖光遠蕩磨春衫初試薄香羅  
踏青無計柰君何莫笑老來多歲月  
肯教閒去少詩歌長安陌上有銅

駟

謁金門

春尙早春入湖山漸好人去人來雖未老  
酒狂恨少

梅落桃開煙鳥日日更吹香草一片芳心拚醉倒冷

雲藏落照

祝英臺近寒食詞

館娃宮采香徑范蠡五湖側子夜吳歌聲緩不須拍崇  
桃積李花閒芳洲綠徧更冉冉柳絲無力試思憶老  
去一片身心孤負好春色古往今來時序惱行客去年  
今日山中如何知得卻又在他鄉寒食

浣溪沙過盧申之

梅葉陰陰占晚春博山香盡玉嶙峋茶甌酒椀試濡脣  
閒裏常愁無伴侶老來不是有情人牡丹天氣惜芳

辰

洞仙歌次韻斯遠所賦清溪一曲

溪山好處贏得題新曲待足人生甚時足問臨流情味  
倚徧斜暉應似畫小景生綃一幅漁舟聲欸乃巖上  
雲飛杳杳歸鴉去鴻逐任當年伊呂談笑興王爭敵恁  
閒眠野宿待雪天月夜我還來醉瀟灑清幽那些兒屋  
點絳脣

山凹春生探梅只道今年早暗香迎曉人與花能好  
歲歲持杯天地同難老須吟嘯放開懷抱更約尋瑤草  
減字木蘭花

菊花開了待得梅梢來索笑雪色江波看盡千林未覺  
多一北緩步只恐朝來有新句歲歲年年白髮催人

到酒邊

采桑子

蕭蕭兩鬢吹華髮老眼全昏徙倚衡門歲晚寒消澗水  
痕含情更覺滄洲遠欲語誰論窈窕孤村細雨梅花  
只斷魂

又十四日

華燈自是年年好月淡煙空依舊東風簫鼓吹香醉臉  
融謝他詩侶還相覓雨迹雲蹤不分情濃柳淺梅深  
鬢影鬆

好事近

次韻昌甫

北客過江來贏得家家都老屈指中興人物到如今誰

好散庵常是愛山林健筆勝揮掃我則臨風三歎信

兒曹驚倒

減字木蘭花昌甫以嵇叔夜語作曲戲用杜子美詩和

韻

一杯易足自斷此生猶杜曲詞客哀時不敢愁來賦別  
離孤城麥秀常愧葛洪丹未就詩罷長吟衰晚遲回  
違寸心

鷓鴣天

次韻趙路分生朝所賦

便把山林寄此身也須詩酒屬吾人仙家舊是金堂士  
吏隱新收玉局名惟自樂不憂貧淵明談笑更清真  
年年眉壽登高後醉帽常留菊滿簪

好事近鄭倅生朝

臘雪映江梅冰玉更分風月  
袞袞紫樞家世慶誕彌時  
節烘堂羸得戲萊衣春酒寶盃  
凸籍籍鄭莊人物要  
漢廷勲業

太常引呈昌甫

隨風和雨帶煙開更清冷照崔巍  
片片亦佳哉細看得  
花如翦裁茅檐出沒水浮橋  
外人自兩峰來吟到澗  
泉梅問何似山陰道回  
昌甫有春浦雪  
澗泉梅之句

西江月次韻趙路分

脈脈蜂黃蝶粉盈盈水秀山明  
賣花聲裏聽吹餽佳麗  
芳華韻勝下上休看舞燕惺忪  
一任啼鶯枕痕屏曲

夢關情酒醒春宵漏盡

謁金門次韻鄭婺源

行又住水遠山遙村路把酒問春春幾許老年花似霧  
坐上風流張緒留我我還難去卻憶章臺飛柳絮只  
愁縈暮雨

繞池游慢趙倅游濠作繞池游慢約同賦

荷花好處是紅酣落照翠藹餘涼繞郭從前無此樂空  
浮動山影林篁幾度薰風晚留望眼立盡濠梁誰知好  
事初移畫舫特地相將驚起雙飛屬玉縈小楫衝岸  
猶帶生香莫問西湖西畔□□九里松下侯王且舉觴  
寄興看閒人來伴吟章寸折柏枝蓬分蓮實徒繫柔腸



鷓鴣天壽福國陳夫人

靜樂堂中禪悅身相家慶襲兩家春  
瑤池雲氣沖霄鶴  
蘭砌風標瑞世麟  
華屋邃寶杯新年秋與月常明  
笙簫且奏長生曲  
宣勸還看送喜頻

憶秦娥

茉莉

香滴滴肌膚冰雪嬌無力  
嬌無力秋風涼冷有誰消得  
洗妝不柰雲鬟側  
璧堂珠院空相憶  
空相憶輕顰淺

笑小梅標格

朝中措寄元立

薰風兩節照稽山  
三百里湖閒  
鏡上誰爲賀老  
棹船能伴官閒  
今年壽日不妨吟嘯  
還上清班爲寄長生新

曲齊眉想見酡顏

醉落魄次韻斯遠

風高木落壯心萬里空  
回薄振衣待把塵埃濯  
聲裏斜陽孤起戍樓角  
人生誰會誰爲錯  
年來但覺多離索  
黃花照地渾開卻  
華髮如斯同和醉落魄

朝中措約和卿敬之持醪爲文叔生朝

山林鍾鼎似無同  
舒卷有窮通  
洗出壺中三峽帝城羸  
得從容  
黃流亂注狂瀾既倒  
砥柱能東  
此際誕彌杯  
酒宜歌風虎雲龍

西江月十一月初六日夜偶成

日日山迷水癖  
年年書惱詩癡  
尋思那裏要他知  
試比

古人猶未一往往眼甜口苦常常心是身非如何則甚  
破他疑只學今人足矣

阮郎歸客有舉詞者因以其韻賦之

小樓秋霽碧闌干中人初薄寒霜風吹我到湖山平林  
斜照殘空闊裏有無閒牽蘿翠袖閒籃輿興盡卻愁  
還斷腸歌未闌

好事近同仲至和探梅

湖上有孤山合把探梅詞刻清淺黃昏時候冷疏枝寒  
色窗前忽到又如何一夜足相憶信道收香藏白報  
春風消息

浣溪沙

買得船兒去下湖這些天氣近來無清和風裏綠陰初  
酒不爲渠閒放蕩詩應嫌我太粗疏酒徒詩社復何

如

又寄文叔生朝

江上新涼入酒杯瑞芝堂祝壽筵開五樓百雉更崔嵬  
勞來流離施菽麥作成豐稔到田萊便朝天去也徘徊

徊

醉桃源 昌甫有曲名之濯纓因和

殘春風雨繞檐聲山空分外鳴閒來落佩倒冠纓尙餘  
親舊情 人不見句還成又聽求友鶯濯纓一曲可流  
行何須觀我生

浣溪沙

徐倅生朝

留得菖蒲酒一杯與公今日壽筵開  
靈山排闥送青來  
須信南州高士後持荷持節照蘇臺  
瑞雲深處是三

台

醉桃源

和昌甫

固窮齋裏語吾生言之必可行  
扶疏夏木旣啼鶯更逢  
魚計成多雅尙少時情滄浪漁父纓  
高歌寧與俗爭  
鳴朱絃疏越聲

減字木蘭花

初五日昌甫生朝因慶七十

從心所欲高蹈祠官惟見獨其壽伊何古  
井章泉水不  
波  
臘前梅好玉潔日光香耐老才大三千首  
首清詩

得自編

菩薩蠻 和昌甫見招

歸來又喜山中約  
菊枝桂樹真宜酌  
興盡只觀山秋深  
方閉關 會須追雅步  
策蹇或肩輿  
少待必能治膏肓  
泉石醫

百字令 楊民瞻索古梅曲次其韻

園居好處是古梅  
飛動欺霜凌雪底  
問紛華桃李態  
自倚天姿明潔  
城外靈山橋頭玉水  
多少佳風月  
歲寒時候  
南枝尤與清絕  
幾回喚酒尋詩  
詩成小醉絮帽渾  
敲側領略不辭身  
跌宕一洗羣兒  
啁哳太始遺音  
元和新樣到了都難說  
草玄經在對花何悶孤寂

一翦梅

醉倒城中不過溪溪外無塵惟掩柴扉水浮橋漾翠煙  
霏一片閒情能幾人知 留飲君家絮帽敲爆竹聲中  
萬事如斯梅催春動已熹微爾既能來我亦何疑

賀新郎次韻昌甫雪梅曲

又見年年雪水浮橋南岸幽處周遭森列橫碧軒中空  
舊話獨釣寒江愁絕更一段冰霜高潔忽得兩篇強健  
曲倚迴風灑急憑誰說嗟輦雒乃閩浙 何當醉酒楊  
雄宅問避人避地其如楚之輿接覽德已而歌鳳去干  
仞輝翔難躡我和句卻愁狂輒折盡梅花傷歲暮口撒  
鹽起絮分才劣雞犬靜澗籬閉

點絳脣五月二日和昌甫所寄并簡叔通

竹隱高深夏涼日有清風度苧衣繩履鶴髮空相顧

翠撲流煙又向溪翁去青山路要當同住長占無塵處  
菩薩蠻酒半戲成

秋林只共秋風老秋山卻笑秋吟少恰恨有秋香青巖  
秋夜涼 清秋須是酒結客秋知否醉筆寫成秋一秋  
無復愁

祝英臺近

海棠開春已半桃李又如許一朶梨花院落闌干雨不  
禁中酒情懷愛閒懊惱都忘卻舊題詩處 燕鶯語溪  
岸點點飛絲楊柳無重數帶得愁來莫恁空休去斷腸



芳草天涯行雲荏苒和好夢有誰分付

謁金門

人已醉溪北溪南春意擊鼓吹簫花落未杏梅桃共李  
水底魚龍驚起推枕月明千里伊呂衰翁徒爾耳我  
懷猶未是

虞美人代兒壽黃靖州

曉來一陣催花雨正桃李橫塘處笙歌簾幙燕鶯喧春  
在人閒不老穀城仙瀟湘圖畫迎千騎襦袴歡聲起  
功名風虎慶雲龍更看萬釘橫帶繫金狨

朝中措昌甫作長短句呈朱卿余倅因和韻

水南何事興偏濃花草小園中山氣靜分餘靄泉聲幽

轉流淙 午橋坐上英豪客今昔爲誰容不是倚樓人  
在登臨無復攜筇

卜算子 初十日海棠宋十一哥家飲

煙雨海棠花春夜沈沈酌寒食清明數日閒人也須行  
樂 不怕笛聲長只怕風兒惡燭影紅酣寶篆香樓上  
黃昏角

謁金門 方齋小集有琴者昌甫作詞和韻

閒度日愁裏費人辭闕榆火新煙還熟食小牆花檻直  
錦字玉徽清集何用主人留客相賞暫時誰畫得龐  
公非浪出

浣溪沙

錦瑟瑤琴續斷絃  
璧堂初過牡丹天  
玉鉤斜壓小珠簾  
睡鴨鑪温吟散後  
雙鴛屏掩酒醒前  
一番春事怨啼

鶻

菩薩蠻

絲絲柳色清愁織  
山城望斷花溪碧  
回首仲宣樓  
登臨無計愁  
雨聲吹海立  
流轉韶光急  
九萬有鵬程  
沈香天上亭

好事近

次韻昌甫

梅雨快晴風  
苔竹定翻新  
籜相望得尋幽  
調把陳言都略  
大江東去更飛雲  
心事共回薄  
彷彿散庵佳處一  
聲聲猿鶴

又

黃髮享頤期兄弟此時宜告見說對牀夜雨世閒塵都  
掃青氈堂外瑞峰高雲氣拂晴昊老大中原人物在  
江湖鄉保

又

三疊古藤陰自笑無能爲役干載和陶新曲了非仙非  
釋影徒隨我月徘徊風葉露華濕甕下是成真逸醉  
令人思畢

朝中措述舊曲

霓裳霞佩淡丰容雲冷露華濃喚起石丁歸去冥冥仙  
仗崆峒人閒秋老花饒笑清映小簾櫳記取五城深

處鳳簫吹下天風

水調歌頭坐閒有傷仲至且懷昌甫因呈張宰

新月已如許我問帶湖梅人閒題句贏得浮斂酒盈杯  
落拓豪英滿坐爛漫風騷連紙天外鳳凰來只怕輕孤  
負莫待巧安排空翠滴寒爽矣晚佳哉爲君絕倒折  
盡千樹玉蓓堆渺渺章泉好在寂寂盧泉仙去今古付  
尊疊拍手見花木放眼記莓苔

鷓鴣天

看了香梅看瑞香月橋花檻更雲窗不知是有春多少  
玉水靈山醉幾場閒蝶夢褪蜂黃儘溫柔處儘端相  
珠簾十里揚州路贏得潘郎兩鬢霜

菩薩蠻壽昌甫生朝

今年是處梅花早分明開到章泉好兄弟壽杯同暗香  
明月風風流文物舊春意枝枝透兒姝定飛軒衣冠  
與世傳

又十五夜昌甫約賦寄劉簿

聚星亭下書堂水冬來欲問梅花使圭撮是何官人間  
有底難章泉詞和去交道元如故轉眼歲將窮溪頭  
鶴髮翁

朝中措九日周國正席閒賦長短句

年年羞插菊花游華髮不禁秋此日遨頭尋勝消除萬  
斛清愁濕雲涼雨南臺上歌動玉溪流俯仰人開

古多情破帽颼颼

點絳脣席閒和昌甫

銀筆金花斷腸有句閒揮掃又還落了梅片陽春小

古往今來風味須才調山林少這些襟抱輸與江東老

菩薩蠻張饒縣以一枝梅來和韻

的皜南枝橫縣宇空山無此新花吐手種幾多梅迎霜

今已開簪屏聊隱几詩與君應喜更報晏齋翁相將

索笑同

鷓鴣天衝雨小舟上南港

莫笑閒身老態多避人避世欲如何分明畫出山陰道

太息吟成甯戚歌穿木石泛煙波從前魑魅喜人過

靈山西畔高溪上一棹歸來舞短蓑

浣溪沙

繫得船兒柳岸頭  
夾江燈火雨飈飈  
尋詩家醉更綢繆  
待臘未教寒事少  
小春攬取暗香浮  
夜長飛夢失清

愁

又至日帶湖

愛日回春一線長  
氛氲誰憶御鑪香  
孤城歲晚臥滄江  
花底千官迎淑氣  
湖陰十里寫晴光  
賸拚華髮醉爲

鄉

又

春入疏絃調外聲  
雪雲初霽帶湖清  
屏溫香軟綺窗深



山倚虛窗情淡淡  
水流清淺韻泠泠  
斷魂醒處夢難

憑

謁金門

雲外月畫出一痕清  
絕梅已飄零  
桃未發帶湖煙水闊  
汀渚尙留微雪  
不恨酒融歌歇  
老我多情膠漫結半

醒空自說

臨江仙

和答昌甫見寄生朝

滿眼春生梅柳意  
山居清聽風泉  
又因初度說今年華  
顛相望處  
新曲忽來前  
自笑一周閒  
甲子何爲佞佛  
貪仙如翁輩  
行敢隨肩  
徒知言語妙  
歡喜向誰傳

謁金門

不怕醉記取吟邊滋味幽草綠陰花絮裏鶯啼雙燕起  
老去是何鄉里漠漠吳頭楚尾一曲荒山清照水磔  
渠杯酒旨

霜天曉角

雨收雲薄有底情懷惡一段春風花事吟得就又忘卻  
海棠紅未落細細流霞酌選甚蠅營狗苟皆現定有  
何錯

臨江仙

周國正生朝

寒食清明春事好公家霽月光風年時猶記雨聲中州  
侯陳樂舞法從酒杯同坐上王楊雖自散醑醪依舊  
香濃待將詩易壽無窮鳶飛魚躍矣風虎更雲龍

鷓鴣天 昌甫同明叔飲趙崇公家

莫道龐公不入州，爲誰歌酒也遲留。  
襟期別乘真難事，領略同游豈易謀。  
他擾擾，自悠悠，香浮茉莉笑花頭。  
一簾雲影催詩雨，喚起佳人無限愁。

鵲橋仙 閒舉金風玉露相逢之曲因賦

詩非漫與酒非無，算都是悲秋。與在與君，觴詠欲如何。  
畫不就，新涼境界，微雲抹月，斜河回斗，隱隱奇奇怪怪。  
怪剛風九萬舞，瑤林甚些少人閒利害。

浣溪沙 澗上昌甫有詞

閒裏相看兩鬢秋，酒能沾醉雨能幽。  
吾廬何幸得翁留。世路儘教終易與，山林佳話恐難酬。  
人來人去亦知

不  
又元夕

分付心情作上元不知投老在林泉誰將村酒勸觥船  
月影靜搖風柳外霜華寒浸雪梅邊醉敲烏帽忽醒

然

又生朝和昌甫韻

老覺空生易得年閒居那復問旌旃一北春靜自回旋  
翁善於人知美矣我行於世轉乖然清詞俾壽喜言

傳

鵲橋仙

紅梅已謝杏花開也一片海棠猶未春風吹我帶湖煙

甚恰限新晴天氣  
黃昏樓上燭花影裏拚得那回滋  
味暗塵絃索拂纖纖夢留取巫山十二

生查子

晴色入青山更見飛花晚不是不登臨自是心情嬾  
試篋小紅牋與寫天涯怨杜宇一聲春樓下滄波遠  
一翦梅闌篁篔

縹緲神仙雲霧窗說與蘇州未斷人腸帶湖煙月墮蒼  
茫喚醒嫦娥春筍纖長馬上琵琶半額妝撥盡相思  
十二巫陽疏口清夢入瀟湘佩玉鳴鸞吹下天香

眼兒媚

下郭趙園

西溪迴合小青蒼梅雨弄殘陽意行隴畝景分庭院乳

燕春長 酒深不用人歌嘯鋤圃試商量細晞菜甲旋  
尋蔬筍一夢黃梁

水調歌頭

次韻倅車壽守

一曲笙歌外四座笑談清使君秋霽領客別乘更宗英  
想像親闈稱壽寫就通家情分相與慶恩榮歡動桂花  
發香霧撲簾旌功名事臺閣路好同登只今報政歸  
詔輿論正蜚聲以我文章學術與國和平安靖冠劍入  
明庭應顧棠陰下野老鬢星星

鷓鴣天

十二月二十二日

雪到春飛若素期柳條吹送落梅枝冰壺表裏誰能賦  
玉鑑圓明且屈卮村舍北郡樓西治中風調只心知

不堪野老關門醉想見山翁倒載時

桃源憶故人

杏花雨裏東風峭不比尋常開了枝上飛來多少人與  
春將老 山城燈火笙簫杳夢到十洲三島睡覺綺窗  
清曉綠徧池塘草

浣溪沙十六夜

荆楚誰言鏡聽詞燭花影動畫檐低燒燈天氣醉爲期  
雨濕杏顚疑淡淡風迷柳眼半傲傲小山西路板橋

西

菩薩蠻次韻昌甫見貽生朝

春來晴雨常相半水光風力花撩亂山北與山南行歌

或再三  
誦君詩過日才大真盤屈壽我敢言酬相望  
亦飲不

浣溪沙十四日

百花叢裏試新妝不許巫山枉斷腸牡丹風颺曲聲長  
寒食清明閒節序綺窗朱戶少年場燕泥香潤落空

梁

虞美人姑蘇畫蓮

西湖十里孤山路猶記荷花處翠莖紅蕊最關情不是  
薰風吹得晚來晴而今老去丹青底醉膩嬌相倚棹  
歌聲緩采香歸如夢如醒新月照漣漪

又趙倅酌別靈山閣



送君報最登朝路初整曹裝處又因杯酒見餘情涼雨  
靈山閣上月初晴 醺然領客襟懷底消得闌干倚風  
流別乘我依歸清譽冰溪棠蔭綠漪漪

朝中措趙倅約玉樓溪小集不及往因寄一曲

一番風月已平分留得玉溪雲藹藹賓僚如故東樓北  
海清尊 荷香涼透柳陰深鎖翠袂珠裙口到九重城  
裏才華好覲吾君

浣溪沙秋思

宋玉悲秋合反騷陶潛把菊任持醪山遙遙外水蕭蕭  
夢不到時詩自在興難忘處恨全消香沈沈裏蕊飄

飄

朝中措趙伊一回侍

君之竹隱是章泉  
只要世家傳  
莫道閒詩浪  
句風花雪  
月雲煙  
一杯我醉  
百年人事  
乾轉坤旋  
直與喚回興  
替羲皇  
留下遺編

浣溪沙沙溪小飲

一抹青山拍岸溪  
麥雲將過筍初齊  
不知何處水流西  
小閣路頭吾欲醉  
短篷船尾客同攜  
酒邊華髮更題

詩

又次韻伊一

水繞孤村客路賒  
一樓風雨角巾斜  
舉觴無復問煎茶  
夜靜曲聲初噴竹  
酒深燭影細吹花  
明朝飛鷺起圓

沙又

憶把蘭橈繫柳隄斜風細雨一蓑衣夕陽同照斷霞飛  
洛浦佩寒如隔日高唐夢到又何時背人挑口獨心

知

水調歌頭和石倅壽湯守

玉水靈山地燕寢亦書功邦人耆老誕彌佳節以詞通  
爾豈知吾愷悌我乃因君談笑祝壽酒杯同簫鼓少人  
會歌舞爲誰容觀坐客驚野老筆如風箇般酬唱詔  
回應上玉華東多少傳家經濟留與孫謀持守出處信  
何窮喚起千年調分付一車公

菩薩蠻次韻

人間多少閒風度薄情失記相逢處綠鬢畫鴉兒舊巢  
雙燕棲舞衫迴素玉檀板聲何蹙一抹晚霞飛淚痕  
無臉啼

浣溪沙

戲成寄李叔謙

彩筆新題字字香雁來時候燕空梁芙蓉無處著秋光  
人遠山長言外意曲傳書恨醉時妝倩誰閒寄水雲

鄉

菩薩蠻

晚雲烘日枝南北一杯未盡梅花曲城郭小春回暗香  
開未開留連吾欲醉醉眼紅塵外多少老心情景清

人亦清

少年游

閒尋杯酒清翻曲語相與送殘冬  
天地推移古今興替  
斯道豈雷同  
明窗玉蠟梅枝  
好人情淡物華濃  
箇樣  
風光別般滋味無夢聽飛鴻

蝶戀花

次韻伊一

未就丹砂須九轉誰把新詞歌  
繞梁塵徧拍拍韶華春  
意滿揆予初度文何健  
恰是山花汀草遠  
獨樂園林  
不夢笙歌殿靈氣仙才非小  
見霞杯漫道蟠桃獻

又次韻鄭一

千葉香梅春在手日薄簾櫳花影遮  
前後小立徐行還

易久微吟莫厭傷多酒  
拾翠流紅絃管透望斷青青  
休問行人柳往事如雲如夢否連天芳草驚依舊

點絳脣王園

南陌柔桑粉牆低見誰家女燕飛鶯語依約提籃去  
老覺多情夢也無分付君知否楚襄何處一段陽臺雨  
浣溪沙爲仲如賦茉莉

滴滴瓊英發翠綃江梅標韻木香嬌乍涼時候漏聲遙  
欲綰鬢絲妝未了半回身分曲初招霓裳依約夢魂

飄

又小集澗亭

雨閣雲流小院秋半醺涼意不關愁一番相見一番休

淡竚乍持杯未淺  
嬾歌渾罷笑初收  
主賓無處著綢

繆

攤破浣溪沙楊梅

生與眞如姓氏同  
家隨西子苧蘿東  
誰道玉肌寒起粟  
酒能紅  
火齊燒空來上苑  
冰漿凝露在西宮  
不似荔枝生處遠  
恨薰風

漢書

漢書卷之九十四  
地理志第七十四  
漢書卷之九十四  
地理志第七十四  
漢書卷之九十四  
地理志第七十四

漢書卷之九十四  
地理志第七十四  
漢書卷之九十四  
地理志第七十四  
漢書卷之九十四  
地理志第七十四



澗泉詩餘校記

滿江紅

亭下

瓊樓

一本下作上樓作林

柳梢青

雲淡

原本題作雲淡

賀新郎

悵快

一本上衍更字

又把

一本上衍甚字

水龍吟

雪藕

一本雪作碧

柳梢青

雨洗

原本題作雨洗元宵

戀繡衾

珊枕

一本珊下衍瑚字

浣溪沙

鬢雲鬆

御香濃

一本鬆作濃濃作風

步蟾宮

原本三字缺据山谷詞補

生查子

霜葉

一本題作梅溪渡

西江月道聞

原本題作晚春時候

月宮春

原本作醉桃源一作月中行据花間集毛文

錫詞改

浣溪沙芍藥

原本題作滿院春

鷓鴣天煙禁

原本題作禁煙

眼兒媚東風

原本題作東風寒

青玉案蘇公

原本題作西湖路

冉冉雲

原本三字闕据烘堂詞補按石湖詞宜男草

句拍竝

同惟末句少一字又原本題作弄花雨

謁金門花影

原本題作東風吹酒面

浣溪沙曲一

原本題作醉木犀

又後霜原本題作霜菊黃 尙自 一本作向日

江城子消雪原本題作村意遠

浣溪沙角月原本題作廣寒枝

風入松樓小原本題作遠山橫

菩薩蠻圍小原本題作花閒意

醉蓬萊文慶原本題首有冰玉風月四字

朝中措為茲原本題作梅月圓

太常引春小原本題作臘前梅

戀繡衾風溪原本題作淚珠彈

一翦梅 衣鉢 一本作佳處

蝶戀花道盡原本題作細雨鳴春沼

生查子

山意

原本題作梅和柳

探春令

暗塵

原本題作景龍燈

臨江仙

羅帳

原本題作畫屏春

柳梢青

玉水

原本題作玉水明沙

滿庭芳

玉水

原本題作話桐鄉

神仙 一本下作蒼

領秀

菩薩蠻

前風

原本題作梅花句紫芝鈔本此後為下卷

賀新郎

阿誰同一飲

一本阿作可同作因飲作醉

百字令

詔飛

原本題作壽南枝

小重山

原本題作柳色新

瑞鷓鴣

未多時

一本多作來

鷓鴣天只

原本題作鷓鴣天只

好事近一

原本題作翠圓枝

浣溪沙風

原本題作試香羅一作入湖

謁金門春

原本題作春早湖山

點絳脣山

原本題作尋瑤草

西江月

漏盡一本盡作靜

繞池游慢

□□ 原本無空格葉氏詞譜補路字但

字

浣溪沙買

原本題作清和風

醉桃源

人不見一本上衍故字

賀新郎

干仞一本上衍信字

祝英臺近海棠

原本題作燕鶯語

謁金門已人

原本題作醉花春

浣溪沙錦瑟

原本題作怨啼鶉

斷絃

一本斷作短

菩薩蠻絲絲

原本題作花溪碧

鷓鴣天看了

原本題作看瑞香

點絳脣

落了

一本落作各

謁金門怕不

原本題作不怕醉

鵲橋仙梅紅

原本題作梅已謝

生查子晴色

原本題作晴色入青山

眼兒媚

細晞

一本晞作稀一作移

水調歌頭

歡動

一本動作種

桃源憶故人杏花 一本題作杏花風

浣溪沙 淡淡 一本作簌簌

菩薩蠻晚雲 原本題作晚雲烘日

少年游閒尋 原本題作玉蠟梅枝

蝶戀花 笙簫 一本簫作歌

澗泉詩餘一卷 錢塘丁氏善本書室藏明鈔本也 澗

泉集久散佚 四庫采自永樂大典中得詞九十八首

提要云七十九丁跋云九十七並誤 此本都百九十七首 卷末攤破浣

溪沙一首 勞氏權据大典本 澗泉集增勞格讀書雜志云百九十

五闕亦誤 傳寫甚夥 余前後凡三見 略有同異 調下輒摘

詞中三數字 標題恐出後人臆注 或謂如東山萬聲

東澤綺語之例尋繹辭義殊不盡然校錄若干條其  
摘注之題竝依次移附以俟讀者斟酌訂吳伯宛謂宋  
人父子竝有詞集臨川晏氏江陰葛氏而外殆不多  
覲余方珙南澗詞又獲此本一家父子皆屬完書尤  
可喜矣甲寅九月朱孝臧跋於滬北春江里行窩



客亭樂府目錄

如夢令

生查子 三

浣溪沙 二

霜天曉角

卜算子

垂絲釣

菩薩蠻 四

好事近 二

謁金門

憶秦娥 二

清平樂

柳梢青 三

西江月 三

東坡引

鷓鴣天

小重山

蝶戀花 二

水調歌頭 四

水龍吟

賀新郎



客亭樂

江陵 楊冠卿 夢錫

如夢令

滿院落花春寂風絮一簾斜日翠鈿曉寒輕獨倚鞦韆  
無力無力無力無力蹙破遠山愁碧

生查子聞鶯用竹坡韻

嬌鶯恰恰啼過水翻回去欲共訴芳心故遶池邊樹  
人去綺窗閒絃斷秦箏柱百轉聽新聲總是傷心處  
前調忠甫持梅水仙研牋索詞

消瘦不勝寒獨立江南路羅鞵暗生塵不見凌波步  
蘭佩解鳴璫往事憑誰訴一紙彩雲牋好寄青鸞去

前調賦湘妃鼓瑟賤湘妃泛蓮葉上有片雲擎月

瀟湘日暮時倚棹蒹葭浦不見獨醒人愁對湘妃語  
璧月送歸雲一葉蓮舟舉寶瑟奏清商波底魚龍舞

浣溪沙

洞口春深長薜蘿幽棲地僻少經過一溪新綠漲晴波  
驚夢覺來啼鳥近借春□□落花多東風獨倚奈愁

何

前調次韓戶侍

銀葉香銷暑簟清枕鴛醉倚玉釵橫起來紅日半窗明  
多病情懷無可柰惜花天氣惱餘醒瑤琴誰弄曉鶯

聲

霜天曉角次韻李次山提舉漁社詞

漁舟簇簇西塞山前宿  
流水落紅香遠春江漲  
葡萄綠  
斲竹奏新曲  
驚回幽夢  
卻把漁竿  
遣去騎鯨背釣

璜玉

卜算子秋晚集杜句弔賈傅

蒼生喘未蘇  
賈筆論孤憤  
文采風流今尚存  
毫髮無遺恨  
淒惻近長沙  
地僻秋將盡  
長使英雄淚滿襟  
天意高難問

垂絲釣

翠簾晝捲庭花日影初轉  
酒力未醒眉黛還斂  
停歌扇  
背畫闌倚徧  
情無限  
悵韶華又晚  
錦鞵去後  
愁寬珠

袖金釧碧雲信遠難託西樓鴈空寫銀箏怨腸欲斷更  
落紅萬點

菩薩蠻春日呈安國舍人

飛雲障碧江天暮杏花簾幕黃昏雨翠袖怯春寒有人  
愁倚闌天涯芳草路目送征鴻去人遠玉關長尺書  
難寄將

前調春日西湖用吳監簿韻

春山愁對修眉綠春衫誰爲裁冰縠日暮倚闌干不禁  
煙霧寒湖邊歸去路猶記傳觴處往事等空花客心  
驚歲華

前調

冰肌玉襯香綃薄無言獨倚闌干角相見又還休可堪  
歸去愁 碧波溪上路幾陣黃昏雨歸去斷人腸紗厨  
枕簟涼

前調雪中呈李常門

玉妃夜宴瑤池冷翩然飛下霓旌影天闊水雲長風飄  
舞袖香 姑山人似舊清壓紅梅瘦同凭玉闌干光搖  
銀海寒

好事近代人書扇

晚起倦梳妝斜壓翠鬢雲鬢手撚花枝輒笑問青鸞音  
信 繡簾慵捲玉鉤垂風篁奏餘韻燈火黃昏院落報  
雕鞍人近

前調

細雨落檐花簾捲金泥紅濕樓外遠山橫翠染修眉愁  
碧舊游春夢了無痕香塵暗瑤瑟憑仗青鸞飛去問  
新來消息

謁金門春暮有感

傷漂泊負了花前期約寒食清明都過卻愁懷無處著  
晴日柳陰池閣風絮斜穿簾幕簾外鞦韆閒綵索斷  
腸人寂寞

憶秦娥雪中擁琴對梅花寓言

東風惡雪花亂舞穿簾幕穿簾幕寒侵綠綺音口口索  
宮梅已破香紅芍梅妝想稱伊流掠伊梳掠十分全



似舊時京洛

前調

雲垂幕江天雪似楊花落楊花落翠襟不暖曉寒偏覺  
起來獨倚西樓角客懷無耐傷離索傷離索蠻牋欲  
寄塞鴻難託

清平樂

翠團嘉樹杜宇呼春去簾捲金泥凝望處幾點紅薇香  
雨等閒過了花時殷勤來問醪醖恰有一枝春在畫  
樓紅日林西

柳梢青

紅藥翻堦天香國豔輝映樓臺解語渾如三千粉黛十

二金釵 青鞋踏破蒼苔趁舞蝶遊蜂去來宿粉偷香也應難似年少情懷

前調詠鴛鴦菊雙心而白秋晚始開

金蕊飄殘江城秋晚月冷霜寒一種幽芳雕冰鏤玉舞鳳翔鸞 悠然靜對南山笑瓊沼鴛鴦飛翠瀾小玉驚呼太真嬌困俯檻慵看

前調爲丁明仲紀夢

歸夢迢迢分明曾見舞徧雲韶解道相思愁寬金釧瘦損宮腰 覺來情緒無聊正戍角聲翻麗譙楚塞山長巫陽人遠斗帳香消

西江月秋晚白菊叢開有傲視冰霜之興李漁社賦長

短句云若將花卉論行藏盍在淺煙閣上因次

其韻

妙墨龍蛇飛動新詞雪月交光論文齒頰帶冰霜鳳閣  
從來宮樣 壽菊叢開三徑清姿高壓羣芳折花聊爾  
問行藏會見橫飛直上

前調

羅鞞浪傳仙子宮梅休寫華光人言壽客飽經霜不趁  
凡花入樣 萬玉森羅素節一枝賸有餘芳孤高肯使  
蝶蜂藏特立甘泉頂上

前調詠黃菊

昨夢鈞天帝所曾陪奏賦明光玉除金蕊映秋霜盡道

宮花別樣 嬌額塗黃牢就金蓮襯步齊芳舞鸞儀鳳  
巧難藏羞殺繁紅陌上

東坡引歲癸酉季秋二十六日夜夢至一亭子榜曰朝

雲見二少年公子云久誦公樂章願得從容笑  
語因舉似離筵舊作稱贊久之余謝不能公子  
拂然不樂命小吏呼妹麗十數輩至圍一方臺  
而立相與羣唱聲甚淒楚俄頃歌者取金花青  
牋所書詞展於臺上熟視字畫乃余作也讀未  
竟一歌者從旁攫取詞置袖中舉酒相勞苦云  
釵分金半數之句朝夕誦之胡爲念不及此耶  
公子云事多遜抵掌一笑而寤恍

然不曉所謂戲用其語綴東坡引歌之

綠波芳草路別離記南浦香雲翦贈青絲縷釵分金牛  
股釵分金牛股陽關一曲聲淒楚惹起離筵愁緒夢  
魂擬逐征鴻去行雲無定據行雲無定據

鷓鴣天次韻寶溪探梅未放

歲月如馳烏兔飛情懷著酒強支持經年不見宮妝面  
穠碧誰斟翡翠卮江路晚夕陽低奚奴空負錦囊歸  
欲憑驛使傳芳信未放東風第一枝

小重山

一笑回眸百媚生嬌羞佯不語豔波橫緩移蓮步繞堦  
行疑情久幽怨託銀箏些事那回曾水晶雙枕冷簟

紋平窺人燕子苦無情驚夢斷何處覓雲行

蝶戀花

次張俊臣韻

舞處曾看花滿面獨倚東風往事思量徧綠怨紅愁春  
不管天涯芳草人腸斷一紙雲牋魚雁遠歸鳳求凰  
誰識琴心怨臂枕香消眉黛斂也應爲我寬金釧

前調

月冷花寒宮漏促人在虛檐玉體溫無粟絃斷鸞膠還  
再續嬌雲時霎情難足解道雙鴛愁獨宿宿翠悵紅  
蛺蝶元相逐蓬海路遙天六六終須伴我騎黃鵠

水調歌頭

春日舟行

春漲一篙綠江闊暮濤寒龍驤萬斛飛舉涼飲酒杯寬

醉倚柁樓清嘯目送孤鴻杳靄景意與俱閒恍若馭風  
去蓬島舊家山 記吾廬環翠竹拱蒼官碧雲信杳誰  
爲日日報平安桂棹桃溪歸後流水落紅香寂春事想  
闌珊賴有錦囊句寫向此中看

前調贈維揚夏中玉

形勝訪淮楚騎鶴到揚州春風十里簾幕香靄小紅樓  
樓外長江今古誰是濟川舟楫煙浪拍天浮喜見紫芝  
宇儒雅更風流 氣吞虹才倚馬爛銀鉤功名年少餘  
事雕鶚幾橫秋行演絲綸天上環倚玉皇香案仙袂揖  
浮世落筆驚風雨潤色煥皇猷

前調次吳斗南登雲海亭

年少青雲客懷抱百憂寬北窗醉臥春曉歸夢趁吳帆  
來訪鴟夷仙迹極目平湖煙浪萬象一毫端雲海渺空  
闊咫尺是蓬山佩飛霞囊古錦幾憑闌赤城應有居  
士鳳舉更龍蟠待向玉霄東望相與神遊八極身未似  
雲閒長劔倚天外功業鏡頻看

前調歸自羅浮舟過于湖哭張安國至采石弔李謫仙

悼今昔二賢豪之不復見也月夜酌酒江濱慨然  
而去作長短句

夷杖羅浮去遼鶴正南翔青鸞爲報消息巖壑久相望  
無奈漁溪欸乃喚起蘋洲昨夢風雨趁歸航萬里家何  
許天闊水雲長歷五湖轉湘楚下三江興亡千古餘



恨收拾付詩囊重到然犀磯渚不見騎鯨仙子客意轉  
淒涼舉酒酌江月襟袖淚淋浪

水龍吟

金陵作

渡江天馬龍飛翠華小駐興王地石城鍾阜雄依天塹  
鼎安神器鳩鵲樓高建章宮闕玉繩低墜望鬱蔥佳氣  
非煙非霧方呈瑞璇霄際 貔虎雲屯羽衛壯金湯更  
隆國勢天驕瞻落狼烽晝熄玉門晏閉祇謁陵園長安  
□遠中興可冀笑六朝舊事空隨流水千古恨無人記  
賀新郎 秋日乘風過垂虹時與一羽士俱因泛言弱水  
蓬萊之勝旁有溪童具能歌張仲宗目盡青天  
等句音韻洪暢聽之慨然戲用仲宗韻呈張君

量府判

薄暮垂虹去正江天殘霞冠日亂鴻遵渚萬頃雲濤風  
浩蕩笑整羽輪飛渡問弱水神仙何處翳鳳騎麟思往  
事記朝元金殿聞鐘鼓環佩響翠鸞舞 夢中失卻江  
南路待西風長城飲馬朔庭張弩目盡青天何時到羸  
得兒童好語悵未復長陵抔土西子五湖歸去後泛仙  
舟尙許尋盟否風袂逐片帆舉

稼軒詞補遺目錄

生查子

滿江紅

菩薩蠻

一翦梅

念奴嬌

江城子

惜奴嬌

南鄉子

糖多令

踏歌

眼兒媚

如夢令

鷓鴣天

踏莎行

□□□

謁金門

鵲橋仙

好事近

水調歌頭

洞仙歌

和目  
賀新郎

霜天曉角

綠頭鴨

品令

漁家傲

蘇武慢

烏夜啼

稼軒詞補遺

歷城 辛棄疾 幼安

生查子和夏中玉

一天霜月明幾處砧聲起客夢已難成秋色無邊際  
旦夕是重陽菊有黃花藥只怕又登高未飲心先醉

滿江紅

老子當年飽經慣花期酒約行樂處輕裘緩帶繡鞍金  
絡明月樓臺簫鼓夜梨花院落鞦韆索共何人對飲五  
三鍾顏如玉 嗟往事空蕭索懷新恨又飄泊但年來  
何待許多幽獨海水連天凝望遠山風吹雨征衫薄向  
此際羸馬獨駸駸情懷惡

菩薩蠻

稼軒日向兒曹說帶湖買得新風月頭白早歸來種花  
花已開 功名渾是錯更莫口思著見說小樓東好山  
千萬重

又和夏中玉

與君欲赴西樓約西樓風急征衫薄且莫上蘭舟怕人  
清淚流 臨風橫玉管聲散江天滿一夜旅中愁蛩吟  
不忍休

一翦梅

塵灑衣裾客路長霜林已晚秋藥猶香別離觸處是悲  
涼夢裏青樓不忍思量 天宇沈沈落日黃雲遮望眼

山割愁腸滿懷珠玉淚浪浪欲倩西風吹到蘭房

又

歌罷尊空月墜西百花門外煙翠霏微絳紗籠燭照于  
飛歸去來兮歸去來兮酒入香顛分外宜行行問道  
還肯相隨嬌羞無力應人遲何幸如之何幸如之

念奴嬌

謝王廣文雙姬詞

西真姊妹料凡心忽起共辭瑤闕燕燕鶯鶯相竝比的  
當兩團兒雪合韻歌喉同茵舞袖舉措□□別江梅影  
裏迴然雙藥奇絕還聽別院笙歌倉皇走報笑語渾  
重疊拾翠洲邊攜手處疑是桃根桃葉竝蒂芳蓮雙頭  
紅藥不意俱攀折今宵鴛帳有同對影明月

又三友同飲借赤壁韻

論心論相便擇術滿眼紛紛何物踏碎鐵鞋三百綱不  
在危峰絕壁龍友相逢窪樽緩舉議論敲冰雪何妨人  
道聖時同見三傑自是不日同舟平戎破虜豈由言  
輕發任使窮通相鼓弄恐是真口難滅寄食王孫喪家  
公子誰握周公髮冰口皎皎照人不下霜月

又贈夏成玉

妙齡秀發湛靈臺一點天然奇絕萬壑千巖歸健筆掃  
盡平山風月雪裏疏梅霜頭寒菊迴與餘花別識人青  
眼慨然憐我疏拙遐想後日蛾眉兩山橫黛談笑風  
生頰握手論文情極處冰玉一時清潔掃斷塵勞招呼



蕭散滿酌金蕉葉醉鄉深處不知天地空闌

江城子戲同官

留仙初試砑羅裙小腰身可憐人江國幽香曾向雪中  
聞過盡東園桃與李還見此一枝春庾郎襟度最清  
真挹芳塵便情親南館花深清夜駐行雲拚卻日高呼  
不起燈半滅酒微醺

惜奴嬌戲同官

風骨蕭然稱獨立羣仙首春江雪一枝梅秀小樣香檀  
映朗玉纖纖手未久轉新聲泠泠山溜曲裏傳情更  
濃似尊中酒信傾蓋相逢如舊別後相思記敏政堂前  
柳知否又拚了一場消瘦

南鄉子贈妓

好箇主人家不問因由便去嗒病得那人妝晃子巴巴  
繫上裙兒穩也哪別淚沒些些海誓山盟總是賒今  
日新歡須記取孩兒更過十年也似他

糖多令

淑景鬪清明和口拂面輕小杯盤同集郊垌頓著箇驕  
兒不肯上須索要大家行行步漸輕盈行行語笑頻  
鳳鞋兒微褪些根驀忽地倚人陪笑道真箇是脚兒疼  
踏歌

擷厥看精神壓一龐兒劣更言語一似春鶯滑一團兒  
美滿天和雪去也把春衫換卻同心結向人道不怕

輕離別問昨宵因甚歌聲咽  
秋被夢春闈月舊家事  
卻對何人說告第一莫趁蜂和蝶有春歸花落時節

眼兒媚妓

煙花叢裏不宜他絕似好人家淡妝嬌面輕注朱脣一  
朶梅花相逢比著年時節願意又爭些來朝去也莫  
因別箇忘了人咱

如夢令贈歌者

韻勝仙風縹緲的皜嬌波宜笑弗玉一聲歌占斷多情  
風調清妙清妙留住飛雲多少

鷓鴣天樵歌

天上人間酒最尊非甘非苦味通神一杯能變愁山色

三瓊全迴冷谷春  
歡後笑怒時  
瞋醒來不記有何因  
古時有道陶元亮  
解道君當恕醉人

又和陳提幹

翦燭西窗夜未闌  
酒豪詩興兩聯絲  
香歎瑞獸金三尺  
人插雲梳玉一彎  
傾笑語捷飛泉  
觥籌到手莫留連  
明朝再作東陽約  
肯把鸞膠續斷絃

又

有箇仙人捧玉卮  
滿斟堅勸不須辭  
瑞龍透頂香難比  
甘露澆心味更奇  
開道域洗塵機  
融融天樂醉瑤池  
霓裳拽住君休去  
待我醒時更一杯

踏莎行春日有感

萱草齊階芭蕉弄葉亂紅點點團香蝶過牆一陣海棠  
風隔簾幾處梨花雪 愁滿芳心酒潮紅頰年年此際  
傷離別不妨橫管小樓中夜闌吹斷千山月

□□□出塞春寒有感

鶯未老花謝東風掃鞦韆人倦綵繩閒又被清明過了  
日長減破夜長眠別聽笙簫吹曉錦牋封與怨春詩  
寄與歸雲縹緲

謁金門和陳提幹

山共水美滿一千餘里不避曉行并早起此情都爲你  
不怕與人尤殢只怕被人調戲因甚無箇阿鵲地没  
工夫說裏

鵲橋仙送粉卿行

驕兒挑了擔兒裝了杜宇一聲催起從今一步一回頭  
怎睚得一千餘里 舊時行處舊時歌處空有燕泥香  
墜莫嫌白髮不思量也須有思量去裏

好事近

春日郊遊

春動酒旗風野店芳醪留客繫馬水邊幽寺有梨花如  
雪 山僧欲看醉魂醒茗椀泛香白微記碧苔歸路嬾  
一鞭春色

又

花月賞心天擡舉多情詩客取次錦袍須賞愛春醅浮  
雪 黃鸝何處故飛來點破野雲白一點暗紅猶在正

不禁風色

又

春意滿西湖湖上柳黃時節瀕水霧窗雲戶貯楚宮人  
物一年管領好花枝東風共披拂已約醉騎雙鳳玩  
三山風月

水調歌頭

和馬叔度遊月波樓

客子久不到好景爲君留西樓著意吟賞何必問更籌  
喚起一天明月照我滿懷冰雪浩蕩百川流鯨飲未吞  
海劍氣已橫秋野光浮天宇迴物華幽中州遺恨不  
知今夜幾人愁誰念英雄老矣不道功名蕞爾決策尙  
悠悠此事費分說來日且扶頭

又輦采若壽

泰嶽倚空碧汶口卷雲寒萃茲山水奇秀列宿下人寰  
八世家傳素業一舉手攀丹桂依約笑談開賓幕佐儲  
副和氣滿長安分虎符來近甸自金鑾政平訟簡無  
事酒社與詩壇會看沙隄歸去應使神京再復款曲問  
家山玉佩揖空闊碧霧翳蒼鸞

洞仙歌

爲葉丞相壽

江頭父老說新來朝野都道今年太平也見朱顏綠鬢  
玉帶金魚相公是舊日中朝司馬遙知宣賜處東閣  
華鐙別賜仙韶接元夜問天上幾多春只似人閒但長  
見精神如畫好都取山河獻君王看父子貂蟬玉京迎



駕

賀新郎和吳明可給事安撫

世路風波惡喜清時邊夫袖手口將帷幄正值春光二  
三月兩兩燕穿簾幕又怕箇江南花落與客攜壺連夜  
飲任蟾光飛上闌干角何時唱從軍樂歸歟已賦居  
巖壑悟人世正類春蠶自相纏縛眼畔昏鴉千萬點口  
欠歸來野鶴都不戀黑頭黃閣一詠一觴成底事慶康  
寧天賦何須藥金瓊大爲君酌

漁家傲湖州幕官作舫室

風月小齋模畫舫綠窗朱戶江湖樣酒是短檣歌是槳  
和情放醉鄉穩到無風浪自有拍浮千斛釀從教日

日蒲桃漲門外獨醒人也訪同俯仰賞心卻在鴟夷上  
霜天曉角赤壁

雪堂遷客不得文章力賦寫曹劉興廢千古事泯陳迹  
望中磯岸赤直下江濤白半夜一聲長嘯悲天地爲  
子窄

蘇武慢雪

帳暖金絲杯乾雲液戰退夜□颺颺障泥繫馬掃路迎  
賓先借落花春色歌竹傳觴探梅得句人在玉樓瓊室  
喚吳姬學舞風流輕轉弄嬌無力塵世換老盡青山  
鋪成明月瑞物已深三尺豐登意緒婉婉光陰都作暮  
寒堆積回首驅羊舊節入蔡奇兵等閒陳迹總無如現

在尊前一笑坐中贏得

綠頭鴨七夕

歎飄零離多會少堪驚又爭如天人有信不同浮世難  
憑占秋初桂花散采向夜久銀漢無聲鳳駕催雲紅帷  
卷月泠泠一水會雙星素杼冷臨風休織深訴隔年誠  
飛光淺青童語款丹鵲橋平看人閒爭求新巧紛紛  
女伴歡迎避鐙時綵絲未整拜月處蛛網先成誰念監  
州蕭條官舍燭搖秋扇坐中庭笑此夕金釵無據遺恨  
滿蓬瀛敲高枕梧桐聽雨如是天明

烏夜啼戲贈籍中人

江頭三月清明柳風輕巴峽誰知還是洛陽城春寂

寂嬌滴滴笑盈盈一段烏絲闌上記多情

品令

迢迢征路又小舸金陵去西風黃葉淡煙衰草平沙將  
暮回首高城一步遠如一步江邊朱戶忍追憶分攜  
處今宵山館怎生禁得許多愁緒辛苦羅巾搵取幾行  
淚雨

蚤歲居南昌館俸所入先大夫命以聚書竭十年之力  
蓋得書數十萬卷宋代文籍尤所篤嗜泊遊江淮挾以  
自隨萬載辛氏輯刻稼軒集其一也其補遺詞三十餘  
闕爲他本所無半塘老人刊稼軒詞跋稱未見此本蓋  
流傳亦已尠矣夫辛氏輯刻在嘉慶中葉距今不踰百  
年世遂詫爲罕見於此可徵古籍之散佚有什百千萬  
於此者也溫尹先生嘗與論及相爲慨歎遂出篋衍謀  
付梓人俾稼軒之詞海內復覩足本宗元所箸錄之籍  
亦以流布此豈兵塵瀕洞中所易得耶宗元嘗造聽楓  
之園坐無著之龕積書如山几塵不掃先生歎歌其閒  
屏謝世事他日必更有佳刻以餉學人此又宗元矯首

跋踵以請於先生者也癸丑夏孟紹興諸宗元跋

稼軒詞補遺校記

菩薩蠻

軒稼

○思

原本作想思誤

念奴嬌

真西

○

原本作脫體誤

又心論

真

○

原本闕文未空格

冰

○

原本作冰雪誤

糖多令

和

○

原本作和氣氣疑風誤

踏歌

按此為雙曳頭調原本分二段以問昨宵句作過片据朱敦儒樵歌改正

鷓鴣天

上天

又

有箇

二首見

樵歌

○

○

原本作詞律及詞律拾遺竝未載俟考

水調歌頭

嶽泰

汶

○

原本作汶文誤

洞仙歌

按此詞元大德本稼軒長短句有之

賀新郎

口欠

原本闕文  
未空格

蘇武慢

夜口

原本闕文  
未空格

稼軒詞補遺一卷萬載辛敬甫

啟泰

輯得於永樂大

典中者稼軒詞毛氏汲古閣刊本四卷與文獻通考

合王氏四印齋重刊元大德信州書院本十二卷視

毛本增多十一闕是卷補毛本之遺其見諸大德本

者僅洞仙歌壽葉丞相一闕編纂大典者殆亦未睹

大德本耶敬甫稼軒集誌語謂所得長短句五十首

詞跋則稱三十六首蓋初有他人之作後又芟汰者

而鷓鴣天有二闕曾見朱希真樵歌當時或未致詳

審今大典已散佚殆盡此數十闕者使非敬甫表襮



而出之幾何不有亡書之歎也卷中訛誤閒亦未免  
刊既畢爲條舉所校者如右壬子立冬後四日彊邨  
遺民朱孝臧跋



康範詩餘目錄

賀新郎

蝶戀花

念奴嬌

水調歌頭

如夢令

賀新郎

瑞鷓鴣

念奴嬌

西江月

沁園春

如夢令



康範詩餘

續溪 汪 暉 處微

賀新郎次韻初夏小集

田舍鑪頭語便如何學得三變美成家數村酒三杯狂  
興發拔劍偶然起舞只麼也迎寒送暑待草萬言書上  
闕似憂端倚柱東鄰女卿相事未易許 漁歌且和芙  
蓉渚又何須淫詞媒語訶風詆雨勸人生且隨緣分分  
外一毫莫取那富貴由天付與身蹈危機猶不覺如布  
衣自在都無阻空博得雪千縷

蝶戀花秋夜簡趙尉借韻

午夜涼生風不住河漢無聲時見疏星度佳客伴君知

未去對牀只欠瀟瀟雨  
素月四更山外吐金鴨慵添  
消盡沈煙縷料想玉樓人念處歸舟日望荷花浦

念奴嬌清明

誰家野菜飯炊香正是江南寒食試問春光今幾許猶  
有三分之一枝上花稀柳閒鶯老是處春狼藉新來燕  
子尙傳晉苑消息應記往日西湖萬家羅綺見滿城  
爭出急管繁絃嘈雜處寶馬香車如織猛省狂遊恍如  
昨夢何日重尋覓杜鵑聲裏桂輪挂上空碧

水調歌頭次韻荷淨亭小集

落日水亭靜藕葉勝花香時賢飛蓋松閒喝道挾繩牀  
暑氣林深不受山色晚來逾好頓覺酒尊涼妙語發天

籟幽渺亦張皇 射者中亦者勝興悠長佳人雪藕更  
調冰水賽寒漿驚餌遊魚深逝帶箭山禽高舉此話要  
商量溪上採菱女三五傍垂楊

如夢令次韻吳郎子信殘春

幾點弄晴微雨翳日薄雲來去斷送一番春滿徑楊花  
飛絮無語無語還是舊時院宇

賀新郎開禧丁卯端午中都借石林韻

帖子傳新語問自來翰林學士幾多人數或道江心空  
鑄鏡或道艾人如舞或更道冰盤消暑或道芸香能去  
蠹有宮中鬪草盈盈女都不管道何許 離騷古意盈  
洲渚也莫道龍舟弔屈浪花吹雨只有辟兵符子好少

有詞人拈取誰肯向帖中道與絕口用兵兩箇字是老  
臣忠盡知艱阻寫此句絳紗縷

又環谷秋夜獨酌

夜對燈花語且隨宜果盤草草兩三杯數翠玉環中圍  
五畝自唱山歌自舞況今夜尊前無暑何用食前須方  
丈更後車何用嬋娟女這閒福自心許 蓼花蘆葉紛  
江渚有沙邊寒蛩吟透梧桐秋雨羨甚滿堂金玉富未  
可學人漁取怕天也未曾相與豹遁蛟藏泉可濯有鬼  
神呵護盤之阻鮮可食膾銀縷

瑞鷓鴣春愁

傷時懷抱不勝愁野水粼粼綠徧洲滿地落花春病酒



一簾明月夜登樓  
明眸皓齒人難得  
寒食清明事又  
休只是鷓鴣三兩曲  
等閒白了幾人頭

念奴嬌  
汪平叔王季雄戴邊之環谷夜酌卽席借東坡

先生大江東去詞韻就餞平叔赴任南渡尉

相逢草草共吟詩  
同醉杯中物  
評論三王譏五霸  
談辯喧譁鄰壁鼓缺唾壺擊殘如意  
妙語飛華雪無能爲也  
如何對此三傑  
看取東野詩成  
南昌書就  
柰征車催發  
後夜山深何處宿  
紅豆寒燈明滅  
一老堪憐  
兩生未起  
應念星星髮  
風傳佳話  
花村無犬  
驚月  
西江月  
次韻李明府見壽

千縷柳絲猶嫩  
一星榆火初明  
載將新意  
壽幽人紅袖

持杯勸盡 老鶴自偏野性沙鷗難比輕身殷勤多謝  
祝長春一笑東風夜靜

沁園春次韻李明府勸農

民吾同胞剖破藩籬元是大家故見之誥詔視如子弟  
諄勤懇切悃幅無華孝悌力田職當勸相起早非干爲  
看花親酌酒老農唯諾句句仁芽 曉來猶覺寒些看  
雨溼風吹旗口斜笑吾生八十儘諳農事公筵旣徹更  
共烹茶高唱豳風敬酬令尹主道桑麻樂有涯春務急  
見溪頭楊柳已可藏鴉

如夢令屬續遺語

一隻船兒沒養七十六年裝載把柁更須外風飽蒲帆

輕快無礙無礙匹似子猷訪戴



康範集一卷勞氏巽鄉傳鈔四庫本詩餘祇十二首  
元至元戊寅其三世孫夢斗跋稱有詠木犀樂府末  
云可是東風當日欠商量百紫千紅春富貴無半點  
似渠香因不得全篇故不在集中倬以儒術著詞非  
所長重是宋人遺箸錄之以備一家勞藏無一非精  
鈔善校此出傭書人手訛脫不免未著校語僅卷端  
鈐有印記耳仁和吳昌綬

論古今通變之理與信

論古今通變之理與信

論古今通變之理與信

論古今通變之理與信

論古今通變之理與信

論古今通變之理與信

論古今通變之理與信

應齋詞目錄

菩薩蠻

柳梢青

鷓鴣天

沁園春

滿江紅

鷓鴣天

念奴嬌

醉落魄

摸魚兒

虞美人

好事近

鷓鴣天

滿江紅

水調歌頭

好事近

鷓鴣天

醉落魄

朝中措

菩薩蠻

水調歌頭

滿江紅

瑞鶴仙

賀新郎

水調歌頭

鵲橋仙

水調歌頭

滿庭芳

醉蓬萊

鵲橋仙

霜天曉角

念奴嬌

清平樂

滿江紅



應齋詞

隆興 趙善括 應齋

菩薩蠻西亭

煙波江上西亭小  
曉來雨過驚秋早  
飛棟倚晴空  
涼生面面風  
癡兒官事了  
獨自憑欄笑  
何處有塵埃  
扁舟歸去來

柳梢青用萬元亭送冠之韻

愁別欣逢人閒離合自古難  
同寫就茶經注成花譜何  
事西東一尊良夜恁恁怎忍見  
輕帆短篷漢水無情  
楚雲有意目斷飛鴻  
鷓鴣天和冠之韻

應  
憶昔南樓舊使君與君攜手躡浮雲如今更到經行處  
妙墨新詩得屢聞淮南路楚江分離尊相屬更論文  
明朝一棹人千里多少紅愁與翠顰

又

我是行人更送行瀟瀟風雨倍傷情征帆西去何須急  
飛詔東來分外榮紅袖濕玉尊傾不堪回首暮雲平  
小舟準擬隨君去要聽霜天曉角聲

又

雨沐芙蓉秋意清可人風月滿江城憐風愛月方留戀  
對月臨風又送行人漸遠酒須傾只憑一醉遣多情  
重來休厭劉郎老明月清風有素盟

沁園春和辛帥

虎嘯風生龍躍雲飛時不再來試憑高望遠長淮清淺  
傷今懷古故國氛埃壯志求伸匈奴未滅早以家爲何  
謂哉多應是待著鞭事了稅駕方回稼軒聊爾名齋  
笑學請樊遲心未開似南陽高臥莘郊自樂磻溪韜略  
傅野鹽梅植杖亭前集山樓下五桂三槐次第栽功名  
遂向急流勇退肯恁徘徊

又

問舍東湖招隱西山惠然肯來有闕香蘭桂無窮幽趣  
隔溪車馬何處輕埃微利虛名朝榮暮辱笑爾焉能浼  
我哉閒敲枕被幽禽喚覺午夢驚回無言獨坐南齋

好喚取芳尊相對開待醒時重醉疏簾透月醉時還醒  
畫角吹梅無用千金休懸六印荆棘誰能滿地栽人閒  
世任游鷗獨運斥鷃低徊

又

千里風湍萬疊雲峰自相送迎歎扁舟如葉漂流如梗  
片帆如箭聚散如萍家在東湖身來西浙非爲區區利  
與名堪憐處爲雛飢犢暮狗苟蠅營平生何辱何榮  
且一任三才和五行有鷄飛鵬奮鶴長鳧短朱顏富貴  
白髮公卿印漫纍纍何若若休羨行歌朱買臣歸來  
好向巖灘垂釣谷口躬耕

滿江紅和坡公韻

一雨連春東湖漲蒲萄新綠湖上路柳濃花豔綠圍紅  
簇塵世難逢開口笑人生待足何時足況南州高士是  
西鄰人如玉行路唱誰家曲愁易感歡難續問軒裳  
於我有何榮辱眾醉豈容君獨醒出林休恨風摧木歎  
驚弦飛鳥尙知還安巢宿

又艤舟南康作

三十年前曾向此舞風歌月今依舊江山如畫  
雪故友冥鴻隨淨社舊時秋蚓橫塵壁賴廬峰對我眼  
偏青曾相識開岫幌攜山屐泉瀉布星飛石爲收帆  
艤棹小留終日休問重湖吹碧浪且同五老浮瓊液待  
明朝鷁首向東飛清風力

又坐閒用韻贈朱守

騰茂飛英分憂願自然風力千里靜江山改觀羽旄增  
色林下風清公事少筆端雷動姦豪息聽宴香深處笑  
聲長文章客丹詔自天邊得宣室對君心憶趁良辰  
高會履珠簪碧和氣回春徵醞釀政聲報最惟清白看  
揮毫萬字埽雲煙吳牋濕

鷓鴣天和朱伯陽

畫鷁翩翩去似飛季鷹何事忽思歸風湍自送征帆穩  
雲巘須將彩筆揮江作酒海爲卮爲君滿酌不須辭  
酒酣渴思回春夢自笑何時是足時

念奴嬌重陽前一日風雨中攜兒曹訪菊賦辭江月後

再攜妻子待月於嵐光亭思恭蔣丈寵和寄示

醉中操筆對月再用前韻

揚輝璧月照層臺縹緲蓬萊雲氣玉宇清明仙語近多  
少怨紅愁翠問我殷勤幾年塵土依舊高標致廣寒別  
後與誰曾共幽會一日失腳人間十常八九底事如  
人意狗苟蠅營真可笑何乃比余於是風月佳時江山  
好處無復懷愁悴倚欄舒嘯六經時自心醉  
醉落魄趙監惠酒五斗以應重九之節至晚小飲賦之  
重陽時節可憐又是天涯客扁舟小泊花溪側細雨斜  
風不見秦樓月白衣望斷無消息舉觴一笑真難得  
歸兮學取陶彭澤採菊東籬悠然見山色

摸魚兒和辛幼安韻

喜連宵四郊春雨紛紛一陣紅去東君不愛閒桃李春  
色尙餘分數雲影住任繡勒香輪且阻尋芳路農家相  
語漸南畝浮青西江漲綠芳沼點萍絮西成事端的  
今年不誤從他蝶恨蜂妒鶯啼也怨春多雨不解與春  
分訴新燕舞猶記得雕梁舊日空巢土天涯勞苦望故  
國江山東風吹淚渺渺在何處

又

被楊花帶將春去飄揚一路無定滿庭綠蔭絲千尺枝  
上舊香吹盡幽夢醒對晚色鞦韆院落人初靜柔條弄  
影柰翦翦輕風冥冥細雨惹起萬千恨雲山路休躡



高樓獨凭楚天一抹煙暝嬌鶯百轉飛鳩去何處可尋  
芳信心自省念咫尺青樓應怪人薄倖歸期將近料喜  
鵲先知飛來報了日日倚門等

虞美人無題

長空一夜霜風吼寒色消殘酒問伊今夜在誰行遺恨  
落花流水誤劉郎尤雲殢雨多情話分付阿誰也儂  
家有分受悽惶只怕嬌癡不睡也思量

好事近懷歸

月色透窗寒一夜素衾霜濕無寐起來搔首正參橫人  
寂此心重省已回腸何況是行役欲棄利名歸去柰  
楚天雲隔

鷓鴣天翁廣文席上

枉道鬢堂是冷官  
深深青瑣鎖青鸞  
新詩自得清歌舉  
和氣都消永夜寒  
花態淨酒杯寬  
燕嬌鶯巧有餘歡  
不因客裏東陽瘦  
好把西江一吸乾

滿江紅

和李穎士

傳語風光須少駐  
共君流轉誰忍見  
綠肥紅瘦鮮歡多  
感澤國千絲煙雨暗  
江城一帶雲山遠  
看新荷泛水學  
人愁心常捲  
羞鬢雪憑花染  
攜酒陣嫌杯淺  
歎人生  
豈爲青衫槐板記  
舞可憐宮柳細  
寫情但覺香牋短  
上層樓獨倚有誰知  
欄干暖

水調歌頭渡江

險號北固景勝冠南州  
洪濤江上亂雲山裏簇紅樓  
堪笑萍蹤無定擬泊葉舟  
何許無計可依劉金闕  
白帷幄玉壘老貔貅  
問興亡成底事幾春秋  
六朝人物五胡妖霧不勝愁  
休學楚囚垂淚須把祖鞭先著一鼓版圖收  
惟有金焦石不逐水漂流

好事近 春暮

風雨做春愁  
桃杏一時零落是處綠肥紅瘦  
怨東君情薄  
行藏獨倚望江樓  
雙燕度簾幕回首故園應在誤

鞦韆人約

鷓鴣天 慶僉判王狀元

玉殿分榮兩桂華  
靈根移植在長沙  
風姨先綻無雙蕊

月姊重開第一花  
金榜爛玉音加從今穩步上天霞  
休誇水擊三千里且聽笙歌十萬家

醉落魄

江閣

梯橫畫閣碧欄干外江風惡笑聲懽意浮杯酌秋水春  
山相對稱行樂誰家青鳥穿簾幕暗傳空有陽臺約  
天公著意稱停著寒色人情都恁兩清薄

又

橫梯畫閣月明江淨煙光薄碧山回繞欄干角一縷行  
雲忽向杯中落櫻歌柳舞俱柔弱羅衣不耐江風惡  
憑誰喚取雙黃鶴騎上瑤臺同赴金桃約

朝中措

惜春

東君著意在枝頭紅紫自風流貪引游蜂舞蝶幾多春  
事都休三分好處不隨流水卽是閒愁惟我惜花心  
在更看紅葉沈浮

菩薩蠻

上嗣王生日

鵲橋巧霧隨風遠蟾宮皓影凝空滿一點壽星明祥光  
徹太清周公天子傳禮樂新封魯功業煥旂常鈞天  
侍玉皇

水調歌頭

趙帥生日

形勝視京兆警蹕駐錢塘光前詔後彈壓誰數漢張王  
幾百萬家和氣五十餘年創見天下一循良有口皆歌  
頌無地不耕桑春過半花錦爛柳絲長潭潭門衛森

戟宴寢正凝香笑把湖山佳色醉挹西湖晴豔童艾祝  
霞觴四海瞻華袞千載侍吾皇

滿江紅 辛卯生日二首

海嶽儲祥符昌運挺生前哲天賦與飄然才氣凜然忠  
節穎脫難藏衝斗劔誓清行擊中流楫二十年麾節徧  
江湖恩威浹香穗直雲峰列觴羽急鯨川竭共介公  
眉壽贊公賢業出處已能齊二老功名豈止超三傑侍  
吾皇千載帶金重頭方黑

醉蓬萊前題

正綵鈴墜蓋玉燕投懷夢符佳月五百年間誕中興人  
傑杖策歸來入關徒步萬里朝金闕貫日精忠凌雲壯

氣妙齡英發 名鎮重湖屢憑熊軾恩滿西江載分龍  
節有志澄清誓擊中流楫談笑封侯雍容謀國看掀天  
功業待與斯民慶公華袞祝公黃髮

又壽司馬大監生日

正百花堂下山雨樓前粲然梅柳和氣回春豔一尊芳  
酒桂子蘭孫鳳歌鸞舞介我公眉壽天上遐齡人閒獨  
樂古來稀有 壯日題橋兒時擊瓮名遂功成自然長  
久琳館偷閒約赤城爲友紫詔重頒黃扉穩步好試調  
羹手九世雞窠千秋麟閣玉顏依舊

又魏相國生日

正槐堂日永梅雨消塵麥風搖翠天祐昌辰誕中興嘉

瑞秀偉標姿從容謀斷笑吐平戎計漢節歸來邊塵掃  
淨鼎司榮貴 閒世良臣威嚴輔政嫵媚承君道襟沖  
粹玉券金丹稱功名成遂茂苑煙霞太湖風月聊伴疑  
香醉補袞工夫調羹手段如今重試

瑞鶴仙 母氏生朝二首

月華凝露掌正極目鸞霄望風鯨壤深宮注遐想聽點  
點花漏盈盈仙仗笙簫迎響降瓊輪玄雲步障洞□扉  
笑別蓬瀛下應太平無象 俱仰姆儀春煦婦節冰清  
道風夷曠三遷教養金闕裏玉音賞况傳家清白滿堂  
朱紫相對蘭蓀競長待齊秦湯沐疏封賜靈壽杖

鵲橋仙 前題



星橋未就月鉤初挂翠葉暗驚秋  
早蕊珠宮裏厭清閒  
試回首塵寰一笑  
仙風道骨姆儀家  
範須信人間最  
少一枝丹桂四蘭蓀  
況千歲靈椿未老

賀新郎瑞香

絳雪堆雲綠倚朱欄鸞飛鳳舞  
亂紅如簇宮錦海沈肌  
理秀極目明霞孤鶩對翠袖  
天寒修竹輕露有情添淚  
眼粲精神嬌醉薰華屋  
然寶篆散清馥  
江南到處多  
蘭菊更海棠貪睡未醒漫山粗俗  
欲品此花爲第一眞  
色生香俱足又只怕驚人凡目  
把酒對花頻管領怕狂  
風驟雨難拘束拾碎玉泛醺醪

霜天曉角送林興國之任

楚天風色一夜波翻雪  
蟻岸錦帆不度天有意且留客  
鼓聲吹取急離觴須舉白  
看去芳菲時候日邊聽好  
消息

水調歌頭

席上作

碧雲初返岫  
潦水正鳴灘  
蘭舟容與歌舞偏  
稱笑中看  
燭影烘寒成暖  
花色照人如畫  
一坐有餘懽  
酒灑浮金  
琰香縷  
靄雕盤  
碧簪橫銀漏  
永玉樽乾  
喧春鼓吹翠  
袖起舞佩珊珊  
記得山明水秀  
何處朝雲暮雨  
常在夢  
魂間  
多少難言事  
都付兩眉彎

念奴嬌

呂漢卿席上

曉來膏雨報一犁  
豐信幾枝嬌色  
岸草河沙明似鏡不

到塵埃花陌急筦繁絃香車寶勒正阻尋春客東風特  
起半空微露晴碧 何況主意深勤冰清才藻玉潤眞  
珪璧翠麓華堂橫枕水波底斜陽紅濕蓮社風流桃溪  
標致便覺凡心息玉樽傾盡笑中歸步鉤月

又

江南到處被波光雲影留人行色昔我來時春正好舞  
絮□飛南陌今日登臨讀書齋上重作憑欄客清溪縠  
細夜來微漲新碧 兩岸蘸水濃陰斷虹橫障一帶連  
環壁林外青山千萬疊雨歇半空猶濕已倩雙鱗更須  
靈鵲先報歸消息歸來征袖盡攜千里風月

鵲橋仙留題安福劉氏園

花顚百媚柳絲千尺密影金鋪碎日過雲微雨報清明  
半天外煙嬌霧濕當歌有恨問春無語笑我如何久  
客小園歸去又殘紅便□地飛觴尙得

又

東風喚我西園閒坐大醉高歌竟日行藏獨倚畫欄干  
便忘了征衫淚濕亭高煙遠天低雲近相對逃名隱  
客掀髯無語看青山斷不信塵埃到得

清平樂

和石次仲

斷雲漏雨依約西山暮風定檣高須小住不忍帶將春  
去此行抑有求歟青衣擬問平都萬里一鉤新月相  
忘常在江湖

水調歌頭

和黃舜舉吳門二詠

危臺枕城堞今昔幾人游繞城碧水一帶茂苑與長洲  
寂寂彈琴風外苒苒采香徑畔橫截古溪頭極目暮雲  
合宋玉正悲秋峴山碑帝子閣庾公樓當時風物如  
今煙水只供愁處處山明水秀歲歲春花秋月何必美  
南州故國未歸去萍梗歎漂流

又

雨霽彩虹臥半夜水明樓太湖極目四面水盡是天流  
幾點鱸鄉菰浦萬里鯨波雪浪掀舞小漁舟金餅挂蟾  
魄時景正中秋釣綸輕蘭棹穩笑王侯一蓑一笠得  
意何必美封留縱使金章鼎貴何似玉樽傾倒一醉可

消愁玉女在何許喚起與同游

又奉餞冠之之行

佳客志淮海賤子設樽疊楚江昨夜清漲短棹已安排  
休問南樓風月且念陽臺雲雨幾日卻重來銀燭正凝  
淚畫鼓且休催彩雲飛黃鶴舉兩徘徊林泉歸去高  
臥回首笑塵埃我唱更憑君和君起誰同我舞莫惜玉  
山頽他日揚州路散策願相陪

又餞吳漕

浩歎對青史循吏久無聞二年江右賴公華節布陽春  
纔自塞帷問俗無復埋輪常道一路盡澄清多少攀轅  
意不待及瓜人駐膏車遲祖帳倒離尊滿庭桃李綠

陰何處不深恩此去玉音應問底事金圍微減憂國更  
憂民造膝一言語四海入洪鈞

滿江紅

饒京仲遠赴湖北漕

雨沐風梳正梅柳弄香暹色誰忍聽送君南浦陽關三  
疊玉節前驅光照路金杯爭勸愁生席泛錦檣西去若  
登仙乘槎客春有意寒無力和風滿洪波息笑廬峰  
溢浦舊游陳迹昔日蜚聲臺柏勁他年坐對堂槐密想  
輶車不待政成時追鋒急

滿庭芳

用洪景廬韻

蝶粉蜂黃桃紅李白春風屢展愁眉曉來雨過應漸覺  
紅稀滿徑柔茵似染新晴後皺綠盈池休孤負幕天席

地逸飲酌金彝 東君真好事絳脣歌雪玉指鳴絲念  
長卿多病非藥能治試假瑤琴一弄清音轉便許心知  
從今去園林好在休學峴山碑